

ONA TILI VA O'QISH SAVODXONLIGI

2-QISM

**Umumiy o'rta ta'lif maktabalarining
2-sinfi uchun darslik**

O'zbekiston Respublikasi Xalq ta'limi vazirligi
nashrga tavsiya etgan

Yangi nashr



Toshkent – 2021

UO'K 811.512.133(075.3)
KBK 81.2(5O'zb)ya71
O 58

Tuzuvchilar:

Iroda Azimova, Klaraxon Mavlonova, Sa'dullo Quronov, Shokir Tursun

Xalqaro ekspert:

Lannuzzi Susan

Taqrizchilar:

B. Mengliyev – filologiya fanlari doktori, professor.

N. Paxritdinova – Toshkent shahri Yashnobod tumanidagi
67-maktab boshlang'ich sinf o'qituvchisi.

SHARTLI BELGILAR:



– o'qing



– savollarga javob bering



– o'quvchi daftariga yozing



– audiomatnni tinglang



– topshiriqni bajaring



– qoida bilan tanishing



– qiziqarli mashg'ulot



– partadoshingiz bilan bajaring



– rasmga qarang



– quvnoq musobaqa



– dars tugadi

Ona tili va o'qish savodxonligi. 2-qism [Matn]: darslik 2-sinf uchun /
K. Mavlonova [va boshq.]. – Toshkent: Respublika ta'lif markazi, 2021. – 120 b.

*UNICEFning O'zbekistondagi vakolatxonasi
bilan hamkorlikda tayyorlandi.*

*Respublika maqsadli kitob jamg'armasi mablag'lari
hisobidan chop etildi.*

*Original maket va dizayn konsepsiysi
Respublika ta'lif markazi tomonidan ishlandi.*


MUNDARIJA

6-BO'LIM. YOSH IQTISODCHI

Quvnoq ferma.....	5
Mustahkamlash	12
Vaqtning qadri	13
Mustahkamlash	21



7-BO'LIM. FAN VA TEXNOLOGIYALAR



Robot ixtiro qilaman	22
Mustahkamlash.....	27
G'aroyib ixtiolar	28
Mustahkamlash.....	34
Quyosh – quvvat manbai	35
Mustahkamlash.....	40

8-BO'LIM. TIL VA DIL

Shaxsiy kutubxona	41
Mustahkamlash.....	47
So'zni topib ishlating	48
Mustahkamlash.....	55





9-BO'LIM. TARIX XAZINALARI

Samarqand – tarix beshigi	56
Mustahkamlash	65
Yozuvni kim ixtiro qilgan?	66
Mustahkamlash	73

10-BO'LIM. SAN'AT VA MADANIYAT

Mo'yqalam mo'jizasi	74
Mustahkamlash	82
Bolalar qo'shiqlari	83
Mustahkamlash	90



11-BO'LIM. HUQUQIMIZ – HAQIMIZ



Yo'l qoidasi – umr foydasi	91
Mustahkamlash	99
Navbatda turishni bilasizmi?	100
Mustahkamlash	109
TAKRORLASH	110
Matnlarda qo'llangan so'zlar lug'ati	117

6-BO'LIM

QUVNOQ FERMA



Rasmga diqqat bilan qarang.



- 1 Fermada nimalar tasvirlangan?
- 2 Fermer kim? U nima bilan shug'ullanadi?
- 3 Fermada parranda va hayvonlarni nima uchun boqamiz?
- 4 Ulardan qanday daromad olish mumkin?
- 5 Siz yashab turgan joyda ham ferma bormi?
Unda nimalar boqiladi?



1. Rasmdagi hayvon va parrandalarning nomini yozing.



“Sobirjon fermer” matnini tinglang.

- 
- 1 Sobirjonning fikr-xayoli nima uchun tovuq boqishda bo'lib qoldi?
 - 2 Sobirjonning g'oyasini birinchi bo'lib kim qo'llab-quvvatladi?
 - 3 Sobirjon nima uchun pul yig'ib yurgandi?
 - 4 Dadasi uning ishiga qanday munosabat bildirdi?
 - 5 Sobirjon tovuqxona eshigini yashashni qanday o'rgandi?
 - 6 Doim ko'chada koptok o'ynab, vaqtini o'tkazadigan bola nima uchun uyga bog'lanib qoldi?
 - 7 Sobirjonga onasi qanday maslahat berdi?
 - 8 Mahallaga hokimiyat vakillari qanday taklif bilan kelishdi?
 - 9 Oqsoqol hokimiyat vakillariga nima dedi?



2. Matn asosida berilgan topshiriqlarni bajaring.

1. Ushbu hikoyada ishtirok etgan qahramonlarni alohida ajrating.
2. Hikoyada bo'lib o'tgan voqealar ketma-ketligini aniqlang.
3. Berilgan ma'lumotlarning qaysi biri to'g'ri, qaysi biri noto'g'ri ekanligini aytинг.
4. Sobirjon jo'jalarni yaxshigina daromad manbaiga aylantirish uchun ularni qanday parvarishladi? Yozing.



Bank yosh tadbirdor Sobirjon Mansurovga maktabni bitirgach, ishlarini yanada kengroq yo'lga qo'yishi uchun mablag' ajratishga qaror qildi. Sizda ham shunday imkoniyat bo'lganida, ushu mablag'ni nimalarga sarflagan bo'lar edingiz?





KUCHUKMI YOKI ITCHA?

Jahongir shaharda yashaydi. Yozda u bobosi bilan qishloqqa mehmonga bordi.

Voybo'... Ammasining uyi hayvonot bog'ining naq o'zi ekan. Qo'rada qo'y, echkilar, og'ilda sigir, buzoq, ot, eshak, katakda ona-bola tovuqlar, hovli etagidagi hovuzchada o'rdak, g'ozlar... Jahongirning hayratdan og'zi ochilib qoldi.

U tovuqxonaga ketayotganda ro'parasidan po'm-paloqqina kuchukcha chiqib qoldi.

Qo'rqib ketgan Jahongir:

– Tezroq, doda, itchani ushlang, bo'lmasa, anavi tovuqchani yeb qo'yadi, – deb baqirib yubordi.

Jamol buva yugurib kelarkan, qotib-qotib kulardi.

– Nega kulasiz, doda, qarang, anavi eshakchaning jahli chiqib, yig'layapti.

– Voy bolam-ey, gapingga kulyapman-da. U eshakmas, uning bolasi – xo'tik-ku. U yig'lamayapti, hangrayapti.

– E, qayerdan bilaman, men axir ularni avval ko'rmanman-ku, – xafa bo'ldi Jahongir.

– To'g'ri, ko'rmanman. Lekin sakkiz yoshga kirding, endi ularni bilishing kerak. Hozir, men xo'tik bilan go'salaga o't tashlab qo'yay. Keyin senga jonivor bolalarining nomlarini o'rgataman, – dedi Jamol buva mehribonlik bilan.

Bobo-nabira katta yong'oq daraxti tagidagi supaga o'tirishdi. So'ng Jamol buva tanishtirishni boshladi.



– Bاليقىنەڭ تۇخۇمى وارىپا ئەلدىنىڭ بولاسى “uvuldiriq”, باقانىنەڭ بولاسى – “itbaliq”, قوشنىڭ بولاسى – “polapon”, توۋۇقنىڭ بولاسى – “jo’ja”, قۆيىنگىنىڭ بولاسى – “qo’zichoq”, ئەشكىنىڭ بولاسى – “uloq”, ئىتلىنىڭ بولاسى – “kuchuk”, مۇشۇكنىڭ بولاسى – “xumpar”, ئەشاكىنىڭ بولاسى – “xo’tik”, ئەتنىڭ بولاسى – “qulun”, يوشىغا قاراب “toychoq”, “g’o’non”, “do’non”, “pishti” دەب ئاتالادى, تۇيانىنەڭ بولاسى – “bo’taloq”, كېيىكىنىڭ بولاسى – “momoloq”, ئۆھۈنەن بولاسى – “quralay”, سىگىرىنىڭ بولاسى – “buzoq”. بىزنىڭ شەۋادا ئىن “go’sala” ھام دەيىشىدە. تۇشۇندىڭمى, bo’talog’im?

– لە, دەداچىن, bo’taloq تۇيانىنەڭ بولاسى-كى, – كۈلىب يۇبۇرىدى جەھۆرگىر.

– حە, بىلامان, بىرۇق بوبۇلار نابىرالارنى “toychoq”, “bo’taloq” دەب ئەركالاتسا bo’laveradi. سەن ئەسە يۇقىردا ايتغانلارىمىنى үنۇتما, كەلىشدىكىم, toychog’im?

– كەلىشدىك, – بوبۇسىنى چۇقۇqlادى جەھۆرگىر.

Avera Fayziyeva



- 1 Jahongir nimadan shunchalik hayratlandi?
- 2 Jamol buva nimaga qotib-qotib kuldil?
- 3 Jahongir jonivorlarning bolasini nima der ekan?
- 4 Nima uchun Jahongir jonivorlarning nomini bilmadi?
- 5 “Qo’ra” nima?
- 6 Jahongir bobosini qanday chaqirar ekan?
Siz bobongizni qanday ataysiz?
- 7 Siz yashaydigan joyda jonivorlarni yana qanday atashadi?



3. Matn asosida jadvalni to'ldirning.

Ular qayerda yashaydi?

Qo'y, echkilar

Tovuqlar

O'rdak, g'ozlar

Sigir, buzoq, ot, eshak





Quyidagi gapda ajratib ko'rsatilgan so'zlarning ma'nosi bir-biriga yaqinmi yoki teskari?

– Nega **kulasiz**, **bobo**, **qarang**, **anavi** eshakchaning **jahli chiqib**, **yig'layapti**.



4. Matn yuzasidan berilgan topshiriqlarni bajaring.

Quyidagi uy hayvonlariga qanday nom qo'yish mumkin? Ularga nom qo'yib yozing.



Ushbu hayvonlarning rangi, hajmini qiyoslovchi qarama-qarshi ma'noli so'zlarga misollar yozing.

Namuna

oq ot – qora ot; semiz ot – oriq ot.



OQSHOM

Bir piyola choy kabi
Bulut oyni **ho'pladi**.
Tovuq beka katakka
Jo'jalarin to'pladi.

Echki-ulq tush ko'rib,
Poxol uzra yotishar.
Mushukchalar sut so'rab,
Onasiga yopishar.

Sigir erka buzoqni
Qashib qo'yar kallalab.
Qo'y uxlatar bolasin
Asta ma'rab – allalab.



Faqat jajji kuchuklar
Hurib qo'yishar "vak-vak".
Onasiga o'xshashib
Tunda ham ular **sergak**...

Anvar Obidjon



- 1 She'r nima haqida?
- 2 Sizga she'rning qaysi qismi hammasidan ko'ra ko'proq yoqdi? Nima uchun?
- 3 Siz she'rga qanday sarlavha qo'ygan bo'lar edingiz?
- 4 Ayting-chi, bir piyola choyni ho'plash bilan bulutning oyni ho'plashi o'rtasida qanday bog'liqlik bor?



5. Berilgan so'zlarga mos keladigan izohlarni aniqlang.



"Oqshom" she'rini yoddan aytib bering.





“Sobirjon fermer” matnidan olingan parchani o‘qing. Matn asosida berilgan topshiriqlarni bajaring.

Sobirjon velosiped olish uchun yig‘ib yurgan pulini chamladi. Ikki oylik yigirmata jo‘jaga yetar ekan. Daftariga o‘zicha tovuqxonaning o‘lchamini chizayotganda xonaga dadasi kirib keldi:

- Ha, o‘g‘lim, geometriyami? – so‘radi dadasi qiziqib.
- Tovuqxona qurmoqchiman. Yig‘ib yurgan pulim yigirmata jo‘jaga yetar ekan. Agar yaxshilab boqsam, ikki oyda tuxumga kirib qolishadi. O‘zimiz yeymiz, ortganini sotamiz. Devorini xom g‘ishtdan o‘zim ko‘taraman, faqat old tarafiga simto‘r kerak bo‘ladi.
- Bo‘pti, – dedi dadasi nimalarnidir hisoblagach. – Simto‘rni men topib beraman. Bemalol boshlayver.



1. Dialogdagi suhbatdoshlar kimlar? Ular qaysi mavzuda suhbatlashishdi?
2. “Chamaladi” so‘zining matndagi ma’nosi qaysi javoblarda noto‘g‘ri berilgan?
 - a) mo‘ljalladi
 - b) to‘pladi
 - c) hisobladi
 - d) taxmin qildi



6. Daftardagi mashqlarni bajaring.



“Mening kichik fermam” nomli loyiha tuzing.

- 1-qadam: fermangizda nima boqmoqchisiz?
- 2-qadam: fermangizga nom tanlang.
- 3-qadam: fermangizga nimalar kerak?
- 4-qadam: qanday foyda olmoqchisiz?
- 5-qadam: daromadingizni nima qilasiz?



Tuzgan loyihangizni rasm yoki chizma ko‘rinishida ifodalang.



“Mening kichik fermam” nomli loyihangiz asosida matn yozing.

MUSTAHKAMLASH



“Hayvonlar podshosi” dialogini tinglang. Savollarga javob bering.



- 1 Dialog nima haqida?
- 2 Sherlar bir-biri bilan uchrashganda qanday ko‘rishadi?
- 3 Ayting-chi, nimaga sharlarni mushuklar kabi uyda boqish mumkin emas?
- 4 Sizningcha, sharlarning tirnoqlari nega o‘tkir bo‘ladi?



Dialogni qayta eshititing. Tushirib qoldirilgan tinish belgilarini qo‘yib, daftaringizga ko‘chiring.

- Bugun men senga bir qiziq jonivor – hayvonlar podshosi haqida so‘zlab bermoqchiman
- Men bilaman – bu sher-ku
- U o‘z oilasi bilan Afrikada yashaydi Sherlar kun bo‘yi o‘ynaydilar quyoshda toblanadilar zerikkanda esa turli ohular, zebralarni ovlashga kirishadilar.



Jadvalni to‘ldiring.

Sherlarni yana qanday nomlaymiz?

Ular qayerda yashaydi?

Nimalarni ovlaydi?

Nimadan qo‘rqadi?

Og‘irligi qancha?

Tirnoqlari qanday bo‘ladi?



Tinglang. Topishmoqlarning javobini to‘g‘ri ketma-ketlikda yozing.

6-BO'LIM

VAQTNING QADRI



Rasmlarga qarab gaplar tuzing va yozing. Berilgan so'zlardan foydalaning.



hushyor

dangasa

tartibsiz

beparvo

mas'uliyatli

tartibli



- 1 Ayting-chi, tartibli odam vaqtidan qanday foydalanadi?
- 2 Kimlarni mas'uliyatli deb ataymiz?
- 3 Tartibsiz, dangasa, beparvo odamlarning vaqtini qanday o'tadi?



1. Berilgan so'zlarning izohini yozing.



Qaysi qo'shimcha mos kelishini toping.



tartib

-li

-siz

tartib

-li

-siz



"Men vaqt ni boshqaraman" audiomatnini tinglang.



- 1 Vaqt dan unumli foydalanish uchun nima qilish kerak?
- 2 Reja tuzganda kunni qanday qismlarga ajratamiz?
- 3 Dam olish uchun qancha vaqt ajratgan ma'qul?
- 4 Uyqudan oldin televizor ko'rishning zarari nimada?
- 5 Nega kechki soat to'qqizdan uqlashga taraddud ko'rish kerak?



Kunni rejalashtirib olish nima uchun kerak?

- A) vaqt dan unumli foydalanish uchun
- B) matabga kechikmaslik uchun
- C) ota-onamizni xafa qilmaslik uchun



2. Gaplarni o'qing. Ajratib ko'rsatilgan so'zlarga mos so'roqni ko'rsatib gaplarni ko'chiring.

1. Reja tuzganda kunni **uchta qismga** ajrating.
2. Maktabdan kelgach, **bir–bir yarim soat** dam oling.
3. Rejangizda eng muhim ishlar **birinchi o'rinda** tursin.
4. Shu **bilimning yarmi** esdan chiqib ketadi.
5. **Soat to'qqizda** uqlashga taraddud ko'ring.

Nechta?

Qancha?

Necha?

Nechanchi?



DONISHMAND SOAT

1-qism



Uy devorida qizchaning bobosidan qolgan eski soat osig'liq turardi. U **ahyon-ahyonda** vaqtini eslatib **bong urib qo'yardi**. Bir kuni soat bong urmay qo'yibdi.

– Endi vaqtini qanday bilaman? – debdi qizcha soat oldiga kelib.

Kutilmaganda soat:

– Hammasiga o'zing aybdorsan, – deya javob qaytaribdi qizchaga.

- Iye, sen hali gapirishni ham bilasanmi?
- Men hamisha gapirganman. Faqat sen eshitishni istamagansan.
- Eh, vaqtini to'g'ri ko'rsatmasang, maktabga kech qolishim mumkin-ku!
- Xuddi doim vaqtida boradigandek gapirasana, – kulibdi soat. – Qachon qarama, kechikib yurasan. Sen vaqtini umuman qadrlamaysan, bilding!

Shunday qilib, xafa bo'lgan soat vaqtni ko'rsatmay qo'yibdi. Qizcha aniq vaqtni bila olmay, ko'p qiynalibdi.

Bir kuni u soatga shunday debdi:

– Kelishib olaylik, soatvoy. Sen avvalgidek vaqtni to'g'ri ko'rsatasan, men esa yomon odatlarimni tashlayman.

– Bo'pti, lekin bir shartim bor: yangi daftar tutasan va unga kunlik rejalaringni yozib borasan.

– Shu bugunoq daftar tutganim bo'lsin!

– Yana tartib-intizomga ham o'rganishing kerak. Shunda bo'sh vaqting ko'payib, foydali ishlar bilan shug'ullana olasan.

– Hamma gaping to'g'ri... Voy, aytgancha, bugun buvimni ko'rgani bormoqchi edim-ku. **Sen bilan bo'lib, esimdan ham chiqayozibdi.**

- 
- 1 Soatning qaysi xislatlari uni "donishmand" deb atashga sabab bo'ladi?
 - 2 Soat nega arazlab, ishlamay qoldi?
 - 3 Soatning ishlamay qolishi qanday oqibatlarga olib keladi?
 - 4 Tartib-intizom deganda nimani tushunasiz?
 - 5 Bo'sh vaqtingizda qanday foydali ishlar bilan shug'ullanasiz?
- 



DONISHMAND SOAT

2-qism

Qiz shoshganicha narsalarini yig'ishtira boshlabdi. Soat esa nasihat qilishda davom etarmish:

– O'zing bilan birorta qiziq kitob ol. Bekatda avtobus kutib, bekor o'tirganingda o'qiysan. O'qish – eng foydali mashg'ulot!

– Soatvoy, shuncha narsani qayerdan bilasan?

– Men juda eski soatman. Qiladigan ishim odamlarga vaqtini ko'rsatish. **Millarim pichirlab umr oqar daryodek tez** o'tib ketishini eslatib turadi. Uzoq vaqtadan buyon odamlarni kuzataman. Kimdir vaqtini qadrlaydi, kimdir esa – yo'q. Vaqtini qadrlab, foydali ish qilgan kishilar ko'p yaxshiliklarga ulgurganlarini ko'rdim. Umrini keraksiz o'yin-kulgiga sarflaganlar afsus qilib qolganini ko'rdim. Biroq hamma ham buni o'z vaqtida tushunib yetmaydi. Sen ham shundaylardan bo'lib qolma, deyman-da. Ular qani endi, vaqt orqaga qaytsa-yu, xatolarimni tuzatsam, deya afsuslanib qolaverishadi.

Qiz donishmand soatning gaplarini tinglab, o'ylanib qolibdi.

– Haliyam shu yerdamisan? – yolg'ondakam achchiqlanibdi soat. – Bunaqada buvingning oldiga ham kechikib borasan-ku!

Qizcha bir jilmayib qo'yibdi-yu, chopqillab uydan chiqib ketibdi. Xonada yana donishmand soatning bir maromda chiqillashi eshitila boshlabdi.

"Zamonaviy ertaklar" kitobidan

- 1 Soat qizga nimalarni nasihat qildi?
- 2 Bo'sh vaqtingizda kitob o'qiysizmi?
Qanday kitoblarni o'qimoqchisiz?
- 3 Vaqtni behuda o'tkazgan odamlarning holi qanday bo'ladi?





3. Ajratib ko'rsatilgan o'rirlarning izohini toping.



Donishmand soatning so'zlari, qizchaga nasihatni sizga kimni eslatdi? Nima uchun?

4. Daftardagi topshiriqlarni bajaring.



So'z tarkibida ikkita bir xil undosh yonma-yon kelishi mumkin. Bular qo'sh undoshli so'zlardir.

Masalan: ikki, amma, gramm, barakalla.



O'qigan matningizda qo'sh undoshli so'zlardan qaysilarini uchratdingiz?



SOAT

Har bir kunni bo'lib-bo'lib,
Yigirma to'rt soat qilib,
Rejasini tuzib olgan,
Hisobini chizib olgan.
U der: "Vaqt – asl-qimmat,
Vaqt – umr, vaqt – hayot".
Yugurganday baxt izidan
Yuguramiz vaqt izidan.
Kim mehnatni sevsa chindan,
Vaqt qochmaydi aslo undan.



Ishimizga doim shaymiz,
Vaqtni yuvosh jilovlaymiz.
Chiqmaydi u izmimizdan,
Biz ham shodmiz, u shod bizdan.
Qadrlaymiz vaqtimizni,
Vaqtdan topdik baxtimizni!

Qambar Ota



- 1 She'rnning muallifi kim? Muallifning yana qaysi she'rlari bilan tanishsiz?
- 2 Ayting-chi, shoir bu she'rni nima uchun yozgan?
- 3 Bir kun necha soatdan iborat ekan?
- 4 She'rdagi qaysi gaplar soatning tilidan aytilgan?
- 5 Nima uchun she'rda vaqt umrga qiyoslangan?
- 6 "Kim mehnatni sevscha chindan, Vaqt qochmaydi aslo undan" deganda nimani tushundingiz?
- 7 Soat haqida she'r yozsangiz, uni nimalarga o'xshatib ta'riflagan bo'lar edingiz?



5. Soat vaqtlarini ayting va yozing.



8:18



5:35



Maqollarni o'qing. Mazmunini sinfda muhokama qiling.

Vaqt tog'ni yemirar,
Suv toshni kemirar.

Uch kun barvaqt turgan
bir kun yutar.

Yoqut bilan vaqt topilmas,
Vaqt bilan yoqut topilar.

Vaqtin ketdi –
naqding ketdi.



6. Maqollarning sharhini yozing.





Birgalashib soat makedini yasang.

Kerak bo‘ladi

- ✓ Oq qog‘oz
- ✓ Karton qog‘oz
- ✓ Sirkul
- ✓ Qistirgich
- ✓ Yelim
- ✓ Rangli qalamlar



Yasash jarayoni

1. Kartonga oq qog‘ozni yopishtiring.
2. Sirkul bilan doira shaklini chizing.
3. Soat vaqtlarini yozib chiqing.
4. Kartondan soat ko‘rsatkichlarini qirqib oling.
5. Ko‘rsatkichlarni qistirgich bilan soatga aylanadigan qilib qotiring.



Partadoshingiz bilan soatdagi vaqtini to‘g‘ri topish bo‘yicha bellashing.

Partadoshingiz soat ko‘rsatkichini buraydi, siz esa soat vaqtini aytasiz. Keyin o‘rin almashasizlar.



**7. Namuna asosida kun davomida qiladigan ishlaringiz aks etgan hikoya yozing.
Unda soat vaqtlarini ko‘rsating.**

Namuna

*Ertalab soat 7:00 da
uyg‘onib, tishimni yuvaman.*



MUSTAHKAMLASH

Siz vaqt haqida she'r va maqollar o'qidingiz. Vaqtga o'qiganlaringizdagi kabi chiroyli ta'rif berib uchta gap tuzing.

 **Nechta?, qancha?, nechanchi?** so'roqlariga javob bo'ladigan so'zlardan yozib jadvalni to'ldiring.

Nechta?

Qancha?

Nechanchi?



Rasmdagi bolalardan biri haqida hikoya yozing.




7-BO'LIM

ROBOT IXTIRO QILAMAN



Rasmga qarang. Robotlar qanday vazifa bajara-yotgani haqida so'zlang.



- 1 Siz yaqin kelajakda hammaning uyida robotlar bo'lishiga ishonasizmi?
- 2 Odamning robotdan eng katta farqi nimada deb o'ylaysiz?
- 3 Odamlardagi qaysi xislatlarni robotlarga o'rgatib bo'lmaydi deb hisoblaysiz?
- 4 Robotlar haqida multfilm yoki kino ko'rganmisiz? Ularning mazmunini qisqacha gapirib bering.



1. Multfilm yoki kinoda ko'rgan robotlaringiz qanday ishlar qila olishini yozing.


Namuna

qutqaradi,





“Kelajak robotlarnikimi?” audiomatnini tinglang.



- ① Atrofingizda yana qanday aqli qurilmalar bor?
- ② Yapon mehmonxonalarida robotlar qanday ishlarni bajaradi?
- ③ Robotlardan asosan qanday joylarda foydalanishadi?
- ④ Kelajakda o‘z robotingiz bo‘lishini istaysizmi? U qanday bo‘ladi?
- ⑤ Sizningcha, robotlarning hayotimizga kirib kelishi xavfimi?



1. Matn asosida berilgan topshiriqlarni bajaring.




IXTIROCHILAR TANLOVI

Uzoq kutilgan tanlov boshlandi. Birinchi bo‘lib sahnaga Ibrohim ismli bola chiqdi.

– Men ko‘p ixtiolar qilganman, – Ibrohim jiddiy ohangda gap boshladi. – Hozirda robotlarim qishloq xo‘jaligida mehnat qilyapti.

– Xo‘sish, Ibrohim, bu safar bizni nima bilan lol qoldirasiz? – deb so‘radi hakamlarning biri.



Bolakay biroz hozirlandi. Uning ko'krak kerib turishidan biror olamshumul ixtiro qilganini payqash qiyin emasdi.

– Marhamat, Bog'bonrobot bilan tanishing, – dedi u qo'llarini ko'tarib.

Sahnaga to'rt g'ildirakli, bir qarashda chang-yutkichni eslatadigan droid chiqib keldi. Bog'bonrobot sahna bo'ylab turli harakatlar qilib yurarkan, yosh ixtirochi g'oz turib unga ta'rif bera boshladi:

– Bog'bonrobot yirik bog'larda ishlash uchun yaratildi. Unga daraxtlarni sug'orish, hasharotlardan himoya qilish va hosilni yig'ib olish dasturlari o'rnatilgan.

So'ng Ibrohim Bog'bonrobotga o'rnatilgan uskunalarini ham birma-bir tanishtirib chiqdi:

– Bu qurilmaning qo'llari, – u robotning ikki yonidagi uzun-uzun qo'llarga ishora qildi. – Ular bilan hosilni yig'ib olish mumkin. Temir qo'llar belkurak vazifasini ham bajaradi. Daraxt tagini yumshatish ham, uni sug'orish ham shu qo'llar bilan qilinadi. Robotning orqa tarafidagi maxsus naycha bilan dori purkaladi. Bu esa mevali daraxtni turli hasharotlardan himoya qilish uchun zarur.

Tanlovga yig'ilganlar hayrat bilan Bog'bonrobotni kuzatishardi. Ular ixtirochi bolani "Otangga rahmat!", "E, qoyil!" deb olqishlashardi.

"Galaktikada bir kun" asaridan



- 1 Ibrohim sahnada o'zini qanday tutdi? Uni tasvirlab bering.
- 2 Ibrohim nima maqsadda robot yasagan edi?
- 3 Bog'bonrobot qanday ishlarni bajara oladi? Birma-bir sanang.
- 4 Ibrohimning ornida bo'lganingizda, siz qanday robot yasagan bo'lar edingiz?





Robotni ixtiro qilish jarayonida unga biror vazifani yuklash uchun nima qilish kerak?

- A) Unga buyruq berish kerak
- B) Maxsus dastur o'rnatish kerak
- C) Robotning miyasi bo'lishi kerak



3. Matn asosida topshiriqlarni bajaring.



QALTIS SAVOL

Eh, shunday bir robot bo'lsa,
Yechib bersa misollarni.
Og'ir-og'ir masalalar,
Qiyin-qiyin savollarni.

Yodlab bersa she'rlarni,
Teorema, qoidani.
Xotiramga joylab qo'ysa,
Yod olishga oidini.

Insholarni yozib bersa,
Xato qilmay birorta ham.
Olgan a'llo baholarni
Ikkalamiz ko'rsak baham.



Ammo uzoq o'ylab-o'ylab,
Birdaniga jim bo'laman.
Hamma ishni robot qilsa,
Unda o'zim kim bo'laman?!

Xudoyberdi Komilov



Rasmga qarab og'zaki hikoya aytib bering. Hikoyangiz boshqalarnikiga o'xshab qolmasin.



Hikoyangizda quyidagi savollarga javob bo'lsin:

1. Ixtirochi bolaning ismi nima?
2. U nima uchun robot yasashni istaydi?
3. Robotni nimalardan yasadi?
4. Robotga qanday nom qo'ydi?
5. Uning roboti odamlarga qanday foyda keltirdi?



4. Savollarga javob yozing.



5. "Robot ixtiro qilaman" mavzusida hikoya yozing.

- Qanday robot yasamoqchisiz?
- Uni nimadan yasaysiz?
- U qanday vazifalarni bajara oladi?
- Unga qanday nom qo'ymoqchisiz?

MUSTAHKAMLASH




Tushirib qoldirilgan tire, nuqta, so'roq va undov belgilarini qo'yib, dialogni ko'chiring.

- Bobojon, menga o'yinchoq olib bering.
- Qanday o'yinchoq bo'lzin
- Robot o'yinchoq
- Robot?
- Ha, robot temirtan.
- Tushunarli, mayli, tug'ilgan kuningda sovg'a qilaman.
- Rahmat, bobojon



Robotlarga berilgan ta'riflarni kerakli so'zlar bilan to'ldirib, gaplarni ko'chiring. Gaplarda ajratib ko'rsatilgan so'zlarga so'roq bering, ular qanday belgilarni bildiradi?



Kerakli so'zlar: ovalsimon, dumaloq, to'rtburchak, qisqichsimon.

1. Birinchi robotning qorin qismi _____ shaklda, tanasi **kulrang** rangda.
2. Ikkinci robotning tanasi _____ shaklda va **oq** rangda.
3. Birinchi robotning qo'llari _____ shaklda.
4. Ikkinci robotning boshi _____ shaklda.



O'z tasavvuringizdagি robotlarni ta'riflab 3 ta gap yozing.

7-BO'LIM

G'AROYIB IXTIROLAR



- ① Qanday muhim ixtirolarni bilasiz?
- ② Biror narsani ixtiro qilishga odamlarni nima majbur qiladi?
- ③ Ruchkaning ixtiro qilinishi hayotimizga qanday ta'sir o'tkazgan deb o'ylaysiz?




Ixtiro – foyda keltiradigan yangilik, kashfiyat. Odamlar biror nimani o'ylab topib, yangi narsa yasasa, o'sha narsani ixtiro qilgan bo'ladi.



1. Atrofingizga qarang, nimalarni ko'ryapsiz? Siz ko'rib turgan barcha buyumlar qachondir ixtiro qilingan. Ko'rayotgan narsalaringiz nomini ayting. Ularni nima maqsadda ixtiro qilishgan deb o'ylaysiz? Namunaga o'xshatib yozing.

Namuna ruchka – oson, tez yozish uchun.





- 1 Biror narsaning qanday ixtiro qilingani tarixini bilasizmi?
- 2 Sizda biror nimani ixtiro qilish fikri paydo bo'lganmi?
- 3 Ko'rib turgan narsalarimiz qanday yaratilgani haqida qayerdan bilish mumkin deb o'ylaysiz?



Matnni o'qing. Savollarga javob bering.

KUTILMAGAN IXTIRO



Biz hozir yax deb ataydigan mevali muz bundan 117 yil oldin tasodifan yaratilgan. O'shanda Frenk 11 yosh bo'lgan. Qishning juda juda sovuq kuni edi. Frenk meva ta'mi keladigan sodaga suv qo'shib cho'p bilan aralashtirayotgan edi.

U uyga kirib ketgach, suvli soda aralashmasi ichida tayoqchasi bilan bir kecha hovlida qolib ketgan. Qattiq sovuqda mazali aralashma muzlab qolgan. Shunday qilib ilk yax paydo bo'lgan.

Frenk o't o'chiruvchilar ko'rgazmasida mana shunday yaxni tayyorlab, barchaga tarqatadi. Ana

Tasodifan – oldindan reja qilmay. Biror narsaning kutilmaganda, reja tuzmagan holda sodir bo'lishiga aytiladi.



Aralashma – bir necha xil narsalarning aralashishidan hosil bo'ladigan narsa.

shundan keyin yax juda mashhur bo'lib ketadi. Ko'p o'tmay, bu g'oya muzqaymoq ishlab chiqaruvchilarni ham qiziqtirib qo'yadi. Keyin bizga eskimo nomi bilan tanish cho'pli muzqaymoqlar sotila boshlagan. O'sha paytlardan beri yax va cho'pli muzqaymoqlar bolalarning sevimli yemagi hisoblanadi.

- 
- 
- 1 Nima uchun Frenk yaxni tasodifan ixtiro qildi deyilmoqda?
 - 2 Frenk ixtiro qilgan yaxning tarkibi qanday?
 - 3 Frenkning qaysi harakati yaxni mashhur qilib yubordi?



Rasmdagi narsalarning nomini ayting.



2. Rasmdagi narsalarning nomini yozing.



Rasmdagi narsalar nimasi bilan bir-biriga o'xshaydi?



3. O'xshash narsalarning nomini yonma-yon yozing.

Namuna yelparrak – konditsioner.



To'rt guruhg'a bo'lining. O'xshash narsalar asosida quyidagi savollarga javob tayyorlang.

1. Bu narsalar nimasi bilan o'xshash?
2. Bu narsalardan qaysi biri birinchi ixtiro qilingan?
3. Ulardan nima maqsadda foydalanamiz?
4. Qaysi biri ko'proq foydali?



4. O'tgan dars asosida namunadagi kabi gaplar tuzing.

Marker bo'rdan ko'ra foydaliroq, chunki u bilan qog'ozga ham yozsa bo'ladi.

yoki

Bo'r markerdan ko'ra foydaliroq, chunki undan chiqindi chiqmaydi.

Eslatma! Foydali so'zi o'rniga boshqa so'z ishlatingiz mumkin, masalan, qulay.



Frenk ixtiro qilgan yax haqida o'qigan edik. O'sha voqe'a asosida oldingi darsdagi rasmda berilgan narsalar haqida fikr yuriting. Fikrlariningizni namunadagi kabi ayting.



Namuna

Mashina velosipeddan ilhomlanib yaratilgan **bo'lishi mumkin**. Chunki unda ham g'ildiraklar bor. Ikkalasi ham yuradi. Ikkalasi ham manzilga tezroq yetib olishimiz uchun kerak.



Aniq bo'limgan fikrni bildirganimizda **bo'lishi mumkin**, bo'lsa kerak birikmalaridan foydalanamiz.



Audiomatnni diqqat bilan tinglang.



- 1 Ketrin bilakqopni ixtiro qilishiga nima sabab bo'ldi?
- 2 Daniyel nima uchun arzon uylar qurishni reja qildi?
- 3 Ketrin ixtirosini nima uchun bilakqop deb atadi?
- 4 Daniyel qilgan ishni ixtiro deyish mumkinmi? Nima uchun?



5. Savollarga javob yozing.

1. Bilakqopning qo'lqopdan qanday farqi bor?
2. Daniyel quradigan uylarning boshqa uylardan nima farqi bor?



Ketrinning bilakqopi hamda Daniyelning arzon uylariga necha baho qo'yan bo'lar edingiz? Ularning ixtirolari haqida fikrlab ko'ring va baho qo'ying.

Ko'pchilik uchun foydalimi?

1 2 3 4 5

Sotib foyda ko'rish mumkinmi?

1 2 3 4 5

Foydalanishga qulaymi?

1 2 3 4 5



"Yurtim uchun g'oya" loyihasida ishtirok eting.

1. Uch guruhgaga bo'lining.
2. O'zingiz yashayotgan hudud yoki o'qiyotgan maktabingizdagi muammolarni yozing.
3. Ularni qanday qilib hal qilish mumkinligi haqida fikr yuriting.
4. Yechim sifatida g'oya taklif qiling.
5. G'oyangizga nom bering.
6. Guruh bilan birgalikda g'oyani boshqalarga tushuntiring.



6. Xalq ta'lifi vaziriga xat yozing. Xatda quyidagi ma'lumotlar bo'lishiga e'tibor qarating.

- Xalq ta'lifi vazirining ismi, familiyasi;
- o'zingizning ism-familiyangiz;
- qaysi mакtabda o'qishingiz;
- kelajakda amalga oshirmoqchi bo'lgan g'oyangiz;
- nima uchun shu ishni qilmoqchi ekaningiz;
- uni qanday nomlaganingiz.



Xatni o'qituvchingizga bering.



MUSTAHKAMLASH



Rasmlarga qarang. Ushbu ixtiolar nima maqsadda qilingan deb o'ylaysiz?



Quyidagi gaplarni davom ettirib yozing.

Agar televizor bo'lmasa...

Agar mashina bo'lmasa...

Agar ruchka bo'lmasa...

Agar samolyot bo'lmasa...

Agar qog'oz bo'lmasa...

Agar quvvattosh bo'lmasa...



Tasavvur qiling, sizga quyidagilardan birortasini yana ham yaxshilash, foydali tomonlarini ko'paytirish topshirig'ini berishdi. Nimalarni o'zgartirgan bo'lardingiz? Nima yangiliklar qo'sharingiz? So'zlab bering.





Suhbatni o'qing. Rasmlarga diqqat bilan qarang.

– Hoy Robotjon,
quyoshda sarg'ayib nima
qilib turibsan?

– Men shunchaki tur-
ganim yo'q. Quyoshdan
quvvat olyapman.

– Bo'lishi mumkin
emas, qanday qilib?


– Bosh qismimga nurni
qabul qilib oluvchi
uskuna o'rnatilgan. Bu
uskuna quyosh nurini
elektr energiyasiga
aylantirib beradi.

– Qoyil! Demak, quyosh nuridan ham
elektr toki olsa bo'lar ekan-da?


– Albatta. Mana bu rasmga
qarab bariga tushunib olasan.

– Ha, endi tushundim.

– Aytgancha, quyosh
tig'ida ko'p yuraverma.
Bu odamlar uchun zararli.



“Gulxan” jurnalidan

- 
- 1 Suhbatdoshlar kimlar?
 - 2 Suhbat nima haqida bo'ldi?
 - 3 Robotning boshidagi uskuna nima vazifani bajaradi?
 - 4 Quyoshdan tashqari yana nimalardan energiya olish mumkin?
 - 5 Robot ko'rsatgan chizmada nima aks ettirilgan?



 1. Matn mazmunini ochib bergan asosiy so'zlarni ko'chiring.



Namuna quyosh.

"Quyoshning kaltagi" audiomatnini tinglang.

 Matnni qayta eshit. Ayting-chi, rasmlar aslida qanday ketma-ketlikda joylashishi kerak?



2. Berilgan topshiriqlarni bajaring.





Qunduz haqida eshitganmisiz? U qanday hayvon?

YALQOV VA QUNDUZ



Bir kuni Yalqov do'sti Qunduzga dedi:

– Menga o'rmondagi eng qo'li yengil tabibni topib ber. Keyingi vaqlarda tobim yo'q, yurishga toqatim, turishga madorim, gapirishga istagim yo'q. Qaniydi senga o'xshab bardam va tetik bo'lsam.

Qunduz Yalqovning aslida soppa-sog'ligini, uning birdan bir kasali tanballik ekanini bilgani uchun shunday dedi:

– Senga o'zimning tabiblarimni tavsiya qilaman. Ular tufayli men doim sog'lomman.
– Men ularni taniymanmi?
– Albatta, taniysan. Ularning biri – O'rmon tabib. Men uning bag'rida yayrab yashayman. Musaffo havosidan to'yib nafas olaman. Mevalaridan to'yib yeyman. Ikkinchisi – Daryo tabib. Uning suvlarida miriqib cho'milaman. G'uborlarim tarqab, yengil tortaman. Uchinchisi va eng saxovatlisi – Quyosh tabibdir. U faqat meni emas, butun olamni o'zining issiq tafti bilan davolaydi. Barchaga hayot, umid bag'ishlaydi.

Bu tabiblar doim biz bilan birga. Negadir sen buni his qilmayapsan. Menimcha, sen dangasalik kasaliga chalingansan. Bilib qo'y, bu kasallikni faqat mehnat va harakat bilan yengish mumkin. Ana shundagina tabiatdagi tabiblar senga ham yordam beradi.

Shukrullo Abdullayev

- 
- 1 Yalqov Qunduzdan nimani iltimos qildi?
 - 2 Ayting-chi, "qo'li yengil tabib" qanday bo'ladi?
 - 3 Qunduzning tabiblarini sanang. Ularga ta'rif bering.
 - 4 Yalqovning kasalini nima bilan davolash mumkin ekan?




3. Berilgan topshiriqlarni bajaring.



OFTOB BOBO

– Qarimas nega oftob,
Nega nuri bo'lmas sob?
– Oftobning bag'ri keng,
U hammani ko'rар teng,
Hatto kichik maysa ham
Nuridan ko'rар baham.
Qalbida so'nmas qo'r bor,
Oftob emas ziqna, tor.
Oftobda katta tilak,
Shuning-chun joyi yuksak.
Olamga sochib qo'rin,
Ulashar mehr nurin.
Niyatiga yarasha
Shu'iasi qaynab-toshar.

Tinmay sochsa ham, qara,
 Nuri kamaymas zarra.
 Quyosh ma'nosi – mehr,
 Mehr tugarmi axir?
 Saxyidir,
 Shuning uchun
 Oftobning umri uzun!



Rauf Tolib



- ① She'rda oftobga xos qanday sifatlar berilgan?
- ② Quyosh nuri she'rda yana qanday atalgan?
- ③ Nima uchun oftobning joyi yuksakda ekan?
- ④ Nima uchun "oftobning umri uzun"?



4. Berilgan topshiriqlarni bajaring.



"Oftob bobo" she'rini yoddan aytib bering.



Birgalikda quyoshcha yasaymiz.



5. "Men quyoshni kim (nima)ga o'xshatgim keladi?" mavzusida matn tuzing.

Men quyoshni _____ ga o'xshatgim keladi. Chunki...



MUSTAHKAMLASH



Quyosh harakatiga qarab kun qismlarining nomini ayting.



1



2



3



Bobo va nabira suhbatini o'qing. Tushirib qoldirilgan nuqta, so'roq va undov belgilarini aniqlang.

- Bobojon, quyosh birdaniga g'oyib bo'lib qolsa, nima bo'ladi
- Hamma yoq qop-qorong'i bo'lib qoladi Yer yuzi tezda sovib ketadi
- Vooy, Quyosh bizga shunchalik kerakmi
- Albatta, Quyosh – hayot manbaimiz, u bepoyon olamga tinimsiz yorug'lik taratib turadi
- Ha, endi tushundim
- Bolajonim, quyosh tig'ida ko'p o'ynamaslik kerak U terimizga nisbatan ko'zlarimizga ko'proq zarar yetkazadi Bundan tashqari, oftob urganda bosh og'rib, ko'ngil ayniydi, harorat ko'tarilib, burundan qon ketadi
- Xo'p bo'ladi, bobojon Quyosh qizdirganida hech qachon o'ynamayman
- Barakalla



Matnni ko'chirib oling. Nuqta, so'roq va undov belgilarini to'g'ri qo'llang.

8-BO'LIM

SHAXSIY KUTUBXONA



Suratlarga qarang. Ularda nima tasvirlangan?



- 1 Uyingizda kitob javoni bormi?
- 2 Qayerda o'tirib kitob o'qiysiz? Uyingizda siz kitob o'qishni yaxshi ko'radigan joy bormi?
- 3 Rasmdagi shaxsiy kutubxonalardan qaysi biri sizga ko'proq yoqdi? Nima uchun?
- 4 Imkoniyatingiz bo'lganida, shaxsiy kutubxonangizda qanday qulayliklar yaratar edingiz?
- 5 Shaxsiy kutubxonaning jamoat kutubxonasidan nima farqi bor?





Audiomatnni tinglang.

- 1 Kutubxonaga a'zo bo'lish uchun qaysi hujjatning nusxasi kerak?
- 2 Nima deb o'ylaysiz, kitobxonning manzili va telefon raqami kutubxonaga nima uchun kerak?
- 3 Kutubxonadan foydalanishning qanday qoidalari bor?
- 4 Kutubxonadagi kitobni bilmasdan yirtib qo'ysangiz, nima qilish kerak? Yo'qotib qo'ysangiz-chi?
- 5 Siz kutubxonadan qanday kitob olgan bo'lardingiz?
- 6 Sizningcha, kutubxonalar nega kerak?



1. Daftardagi mashqni bajaring.



YOSHLIKDA O'QIGAN KITOBLARIM



Inson aqlini charxlab turish uchun kitob o'qishi, o'qilgan kitob mag'zini chaqib, yurakka joylashi kerak. Bolaligimda o'qigan kitoblarim menga nihoyatda kuchli ta'sir qilgan. Shu tobda sizga bir sirni aytgim keldi. Kitob shunday sehrli, mo'jizaviy do'stki, uni necha marta o'qisangiz, shuncha marta ta'sirlanasiz. Bu taassurotlar hech qachon bir-biriga o'xshamaydi.

"Zumrad va Qimmat", "Ur, to'qmoq" kabi xalq ertaklari men o'qigan birinchi badiiy asarlardir.

Pushkinding “Baliqchi va baliq haqida ertak”, Hans Kristian Andersennenning “Irkit o’rdakcha”, Mark Tvenning “Tom Soyerning boshidan kechirganlari”, Xudoyberdi To’xtaboyevning “Sariq devni minib” kabi asarlarini ham bolaligimda sevib o’qiganman. Ular menda olam-olam taassurot qoldirgan.

Ayni paytda shaxsiy kutubxonamda 1000 ga yaqin badiiy kitob bor. Ular qanday kitoblar ekan deb qiziqayotgandirsiz? Kitoblarimning ko’pchiligini Rumiy, Alisher Navoiy, Abdulla Qodiriy, Cho’lpon, Said Ahmad, Erkin Vohidov, Abdulla Oripov kabi sevimli ijodkorlarimizning asarlari, qomuslar, hadislar, lug’atlar tashkil etadi.

Men sizning ham shaxsiy kutubxonangiz bo’lishini juda-juda istayman. Uni ozgina mablag’ bilan tashkil etish mumkin. Bugungi kunda kitob do’konlaridan istalgan kitobni topib, xarid qilsa bo’ladi.

Abdurahmon Akbar



- ① Biz hayotda qaysi ro’zg’or buyumini charxlaymiz?
Nima uchun?
- ② Nima deb o’ylaysiz, aqlni charxlash nima degani?
- ③ Inson aqlini qanday charxlashi mumkin ekan?
- ④ Muallif nimaga kitobni sehrli va mo’jizaviy deb aytyapti?
- ⑤ Abdurahmon Akbarning birinchi o’qigan badiiy asarlari qaysilar ekan?
- ⑥ Siz u kitoblarning qaysilarini bilasiz?
- ⑦ Shoirning shaxsiy kutubxonasida qanday kitoblar bor ekan?
- ⑧ Nima deb o’ylaysiz, shoir nima uchun sizning ham shaxsiy kutubxonangiz bo’lishini istayapti?
- ⑨ Kitob o’qiganingizda siz ham Abdurahmon Akbar yozganiday ta’sirlanganmisiz?



2. Daftardagi mashqni bajaring.



3. Daftardagi mashqni bajaring.



Sir va taassurot so‘zlarini matnda o‘qigan edingiz. Ularning ma’nosini yaxshiroq uqib olish uchun matndan olingan parchani va qo’shimcha gaplarni o‘qing. Savollarga javob bering.

Shu tobda sizga bir sirni aytgim keldi. Kitob shunday sehrli, mo‘jizaviy do‘shti, uni necha marta o‘qisangiz, shuncha marta ta’sirlanasiz. Bu taassurotlar hech qachon bir-biriga o‘xshamaydi.

Yaqinda onalar bayrami. Umarbek oyisiga chiroyli ro‘mol oldi, ammo nima olganini hammadan sir tutdi.

Ko‘p kitob o‘qigan bola o‘z aqli va zehni bilan boshqalardan ajralib turishi hech kimga sir emas.

Yozgi oromgohdan qaytgan Diyora o‘rtoqlariga taassurotlarini gapirib berdi.

“Zumrad va Qimmat” ertagini o‘qidim. Zumrad menda yaxshi taassurot qoldirdi.

1. Sir nima?

- A) Hamma biladigan narsa
- B) Hech kim bilmaydigan narsa
- C) Bu dunyoda yo‘q narsa

2. Taassurot nima?


- A) Biror narsa yo hodisa sabab odamda paydo bo‘lgan his
- B) Biror hodisa haqidagi fikr
- C) Biror narsaning xususiyati

Bugungi dars sizda qanday taassurot qoldirdi?






Rasmlarda dunyoning turli davlatlaridagi kutubxonalar tasvirlangan. Ular bilan tanishib chiqing.



*Andijon viloyati
Marhamat tumanidagi
zamonaviy kutubxona*



*Singapurdag'i
“Mening
daraxtdagi
uyim” bolalar
kutubxonasi*



*Pekindagi
“Poplar” (terak)
kutubxonasi*



AQSHdagi Brentvud kutubxonasi



Sizning orzungizdagи bolalar kutubxonasi qanday bo‘lishi kerak?

- Undan qanday kitoblar joy oladi?
- Kutubxona binosi qanday ko‘rinishda bo‘ladi?
- Unda kitobdan boshqa yana nimalar bo‘lishi kerak?
- U yerda o‘tirib kitob o‘qishga qanday qulayliklar yaratiladi?



Orzungizdagи kutubxonaning rasmini chizing va bo‘yang.



Do‘stingiz chizgan “Orzumdagи kutubxona” rasmini ko‘ring. O‘rtog‘ingizga chizgan rasmi haqida o‘zingizni qiziqtirgan savollarni bering. Javoblarni daftarga yozib oling.



4. Daftardagi mashqni bajaring.



MUSTAHKAMLASH




JAJJI NOSHIR

Men ertak yozaman. Oxirgi vaqtarda ertaklarimni hamma sevib o'qiydigan bo'lib qoldi. Shu sabab ertaklarimni yig'ib, kitob qilishni o'yladim. Bizning oilada bobom, tog'am, buvim va onamning kitoblari chop etilgan. Ularning kitoblari kutubxonamizda bor. Mening kitobim esa yo'q! Ertaklarimni hech qaysi nashriyot kitob qilib chiqarmasligini yaxshi bilaman. Chunki hali juda kichkinaman-da. O'ylab ko'rsam, ertaklarimni o'zim kitob holida yasab chiqarsam bo'lar ekan. Axir noshir jajji bo'lishi ham mumkin-ku!

Kitob chiqarish kasbini noshirlilik deb ataydilar. Noshirlarning ishi juda qiziq ekan. Ularning ishxonasida har kuni kitob tug'iladi.

"Jajji akademik" jurnalidan



- ① Matn muallifi nima bilan shug'ullanar ekan?
- ② Uning oilasida kimlar kitob yozgan ekan?
- ③ Noshirlilik qanday ish?
- ④ Noshirlilik, sizningcha, qiziqarli ishmi?
- ⑤ Siz ham kitob yasab ko'rganmisiz?

8-BO'LIM

SO'ZNI TOPIB ISHLATING



Rasmlarga qarang. Berilgan gaplarni o'qing.
Gaplarning qaysi birini ishlatgan bo'lardingiz?



- Qalamingni ber.
- Qalamingni berib tur, iltimos.



- Oyi, men keldim.
- Assalomu alaykum, oyijon, men keldim.



- Qornim to'ydi, ketdim.
- Rahmat, ovqat shirin bo'libdi.



- Tur o'rningdan, maktabga kech qolasan!
- Bolajonim, turaqol, nonushta qilamiz.



1. Daftardagi mashqni bajaring.



Quyidagi iboralarni eshitganmisiz? Ularni qachon ishlatamiz?

Qo'lingiz dard ko'rmasin

Baraka topping

Ko'rmaganday bo'lib keting





“Yaxshilik ortidan yaxshilik keladi” ertagini tinglang.



- ① Xorazm yurtida qanday tanlov o'tkazishibdi?
- ② Dehqon yigit nima uchun tanlovda qatnashishni istabdi?
- ③ Nima deb o'ylaysiz, dehqon yigit nima uchun uy, oziq-ovqat, kiyim-kechak yoki ot-arava emas, aynan qo'sh ho'kiz olishni niyat qildi?
- ④ Yomonlik haqida aytilgan gap bilan yaxshilik haqida aytilgan gapning mazmuni bitta edimi?
- ⑤ Podshoh dehqon yigitni nima uchun taqdirladi?



2. Daftardagi mashqni bajaring.



Quyidagi ikkita matnni o'qing. Ularning qaysi biri yaxshilik ortidan yaxshilik kelishini, qaysi biri yomonlik ortidan yomonlik kelishini bildiradi?

* * *

Bir yigit yo'lda ketayotgan ekan, bir bog'chaning devoriga ko'zi tushibdi. Devorning tepe va pastki qismi betondan, o'rtasi esa taxtadan ekan. Yigit: "Men shu taxtani tepib sindira olaman, men kuchliman", deb taxtani tepe boshlabdi. Bir necha marta tegidan keyin taxta rostdan ham sinib, yerga tushibdi. Biroq unga qo'shilib tepasidagi beton ham tushib ketib, tepag'on bolaning oyog'ini bosib qolibdi. Betonni ko'tarishga kuchi yetmay, dodlagancha odamlarni yordamga chaqiribdi.



* * *

Bir kishining uyida yeyishga hech narsasi qolmabdi. Xotini va bolasi och ekan. U ko'chaga chiqib, ikkita non olibdi, uyga qaytayotsa, yo'lda bir ayol yosh bolasi bilan sadaqa so'rab o'tirgan ekan. Ayol: "Bolamning otasi yaqinda vafot etdi. Boquvchimiz yo'q. Necha kundan beri hech narsa yemadik, yeyishga biron narsa bering", – debdi. Kishining rahmi kelib, ikkala nonni ham yetim bolaga tutqazib ketibdi. Yo'lda "endi o'zimning bolamni qanday to'ydiraman", deb o'ylanibdi. Uyiga borib qarasa, uzoq shahardan bir do'sti mehmon bo'lib kelibdi. Mehmon juda ko'p sovg'alar bilan birga oziq-ovqat ham olib kelgan ekan. Ularning ichida un, guruch, yog', go'sht ham bor ekan.



- 1 Devorni tepib buzishdan odam biror foyda topadimi?
- 2 Devorning egalari devor buzilgandan so'ng nima qilishadi deb o'ylaysiz?
- 3 Bola nima yomonlik qildi va uning ortidan qanday yomonlik keldi?
- 4 Siz hayotingizda shunga o'xshash holatlarni kuzatganmisiz?
- 5 Kishi uyda och bolasi bo'la turib, ikkala nonni ham ko'chadagi begonaga berib to'g'ri qildimi?
- 6 Nima deb o'ylaysiz, u nima uchun shunday qildi?
- 7 U kishi qanday yaxshilik qildi va unga qanday yaxshilik keldi?



3. Daftardagi mashqni bajaring.



Matnni o'qing.

SO'ZNING TA'MI

So'zning ham mazasi, ta'mi bo'ladimi? U axir non emas-ku... yeysa, yoki choy kabi ichilsa? Hatto so'zni ko'rib ham bo'lmaydi-ku, deyayotgandirsiz. So'zning ta'mi deyilganda uning ma'nosidagi nozik jihatlari nazarda tutiladi. Buni she'rga so'z tanlash misolida tushuntirib beraman.

Deylik, "Tong" haqida shunday satrlarni to'qidik:

*Quyosh osmonga chiqdi,
Qushlar sayray boshladи.
Teraklar tebranishdi,
Gullarga shabnam tushdi.*

Mana shu "to'rtlik"ni, ya'ni fikrni ko'ngilga yaqinlashtirish uchun oddiy so'zlarni (shu o'rinn uchun) "ta'mli" so'zlarga almashtiramiz. Masalan, mana bunday:

*Quyosh kului osmonda,
Qushlar kuylay boshladи.
Qarsak chaldi teraklar,
Gullar ko'zin yoshladi.*

E'tibor bergen bo'lsangiz, "mashqimiz"ga ancha rang, shira kirdi. Bu mashqda birgina holat – gullarning nega yig'layotgani aytilmagan. Endi buning sababini "to'qib", mashqni yakunlab qo'ysak ham bo'ladi. Masalan, mana bunday:





*Gullar ona quyoshning
Zamindagi bolasi.
Yig'lashganin boisi –
Sog'inishgan onasin...*

So'zning mazasi, ta'mini his qilish har kimning o'zida qoladi. Siz qancha ko'p badiiy kitob o'qisangiz, she'r va qo'shiqlar yod olsangiz, obrazli aytganda, so'zlar ummonida suzsangiz, shuncha tez va ko'p so'zlarning "ta'mi"ni his qilasiz, ta'sir kuchini payqaysiz.

Abdurahmon Akbar



- 1 Sarlavhani o'qiganingizda xayolingizga nima keldi?
- 2 Hayotda nimaning ta'mi bo'ladi-yu, nimaning ta'mi bo'lmaydi?
- 3 O'ylab ko'ring-chi, qanday ta'm sizni xursand qiladi va aksincha?
- 4 Nima uchun muallif she'r deyish o'rniga "mashq" degan?
- 5 So'zning ta'mini yaxshiroq sezish uchun nima qilishingiz kerak ekan?



Birinchi va ikkinchi to'rtlikni yozib, o'zaro solish-tiring. Farq qilayotgan so'zlarning tagiga chizing. Ularning har biri nima anglatayotganini izohlang. Qaysi to'rtlik yaxshiroq chiqqan? Buni sinfda muhokama qiling.

*Quyosh osmonga chiqdi,
Qushlar sayray boshladi.
Teraklar tebranishdi,
Gullarga shabnam tushdi.*

*Quyosh kuldi osmonda,
Qushlar kuylay boshladi.
Qarsak chaldi teraklar,
Gullar ko'zin yoshladi.*



4. Daftardagi mashqni bajaring.



SO'ZBOYLOQCHI

“So‘z sehrli”, deydilar,
Demak, tilchi – sehrgar.
“S” o‘rniga “M” qo‘ysa,
“Sehr” do‘nar “mehr”ga.

“A”ni olib, bir zumda
“Ayoz”ni “yoz” qiladi.
“Oz” oldiga “S” yozib,
Ajoyib “soz” qiladi.

Uchiradi “qovoq”ni
“Ari” qo‘yib yoniga,
Yurgizadi “oyoq”ni
Qo‘shib “sakkiz” soniga.



Turli gullar ko‘p, biroq
“Karnay”ni ham “gul” qilar.
Tartib bilan yuring deb,
“Yo‘l”larga “chiroq” ilar.

So‘zboyloqchi so‘z saylab,
Ko‘ngillarni xushlasin.
Lekin sira ko‘z boylab,
“Nay”ga “rang”ni qo‘shmasin.

Dilshod Rajab



5. Daftardagi mashqni bajaring.

- 
- 1 Shoir nima uchun tilchini sehrgar deyapti?
- 2 Ko'zboyloqchi kim? U nima uchun ko'zboyloqchi deb ataladi?
- 3 So'zboyloqchining ko'zboyloqchi bilan qanday o'xshashligi bor?
- 4 Shoir she'rda qo'llagan qo'shma so'zlar rostdan ham aytib o'tilgan so'zlardan hosil bo'lgan. Masalan, sakkizoyoq kabi. Lekin bitta so'z unday emas. Undagi qismlarning qo'shma so'z bildiradigan ma'noga umuman aloqasi yo'q. O'xshashlik esa tasodif. Bu qaysi so'z?
- 

Quyidagi vaziyatlardan birini tanlang.

Siz qo'lga kiritishni juda ham xohlayotgan narsani olib berishlarini ota-onangizdan iltimos qilmoqchisiz.



Tasavvur qiling, yaqin do'stingiz sizga yolg'on gapirganini bilib qoldingiz. Unga o'z fikringizni bildirmoqchisiz.

Siz bir multfilm, kino yoki kitobdan juda ham ta'sirlandingiz. Uning mualliflariga o'z taassurotlaringizni aytmoqchisiz.

6. Tanlagan vaziyatingiz asosida xat yozing.




MUSTAHKAMLASH



She'rni o'qing va unda yashirilgan hayvonlarning nomini toping.

HARFLARGA HAZIL(LASHMA)

“Nina”ga “chi”ni qo’shdim,
Uchib ketdi pirillab.
“Kit”dan “k”ni oluvdim,
Jahl qildi irillab.
“Tosh”in tashlab toshbaqa,
Tilga kirdi “qur”ullab.
“Bo’r” bilan “i”ni yozdim,
Qoching endi zirillab.



Dilshod Rajab



Berilgan gaplarning qaysi biri to‘g’ri yozilgan?

1. __ Qalamingni, berib tur iltimos.
__ Qalamingni berib tur, iltimos.
2. __ Assalomu alaykum, oyijon, men keldim.
__ Assalomu alaykum oyijon, men, keldim.
3. __ Rahmat ovqat, shirin bo‘libdi.
__ Rahmat, ovqat shirin bo‘libdi.
4. __ Barakalla o‘g’lim, umringdan baraka, top.
__ Barakalla, o‘g’lim, umringdan baraka top.



Partadoshingiz bilan ishlang. Sizlar o’tgan darsda xat yozgan edingiz. Partadoshingizning o’sha topshiriq asosida yozgan xatini o’qing.

9-BO'LIM

SAMARQAND – TARIX BESHIGI




“Ajratamiz” o‘yini.

O‘yin qoidalari

- ✓ Har bir qatordan 5 tadan o‘quvchi tanlab olinadi.
- ✓ O‘qituvchi doskaga quyidagi so‘zlarni yozadi: *Samarqand, Buxoro, Toshkent, O‘zbekiston, Farg‘ona, London, Nyu York, Qozog‘iston, Bishkek, Piskent, Turkmaniston, Germaniya, Turkiya, Fransiya, Parij, Berlin, Polsha, Dehli, Hindiston, Mumbay, Parkent.*
- ✓ Tanlab olingan o‘quvchilar navbat bilan chiqib shu so‘zlarni quyidagi jadvalga joylaydi:

DAVLATLAR	SHAHARLAR



- 1 Davlatlar deb nomlangan ustunga yozilgan so‘zlarga e’tibor qarating. Ularda qanday o‘xshashlikni ko‘ryapsiz?
- 2 Shaharlar ustuniga joylashtirilgan so‘zlarga e’tibor bering. Aytilishi va yozilishi farq qiladigan so‘zlar bormi? Qaysi so‘zlar shunday xususiyatga ega?



1. Rasmi li diktant.



Ba'zan ayrim so'zlarning oxirgi tovushi aytilmasa ham, yoziladi:
Samarqand, baland, musht.



- ① Samarqand shahri haqida nimalarni bilasiz?
- ② “Qadimgi” deganda nimani tushunasiz?
“Qadimgi shahar” deganda-chi?



Matnni o'qing. Ajratib ko'rsatilgan so'zlarning ma'nosi lug'atdan topishga harakat qiling. Savollarga javob bering.

BORISH KERAK BO'LGAN SHAHAR

Samarqand – dunyoning eng qadimgi shaharlari-
dan biri. U o'rta asrlarda “Yer yuzining **sayqali**”
deya e'tirof etilgan. Samarqandning qadimgi
nomlaridan biri “Smarakansa” bo'lib, “ulug' shahar”
degan ma'noni anglatgan. Turkiy tilda so'zlovchi
aholi esa uni “Semizkent” deb atagan.

Qadimda Samarqand baland devor bilan
o'ralgan ulkan qal'a edi. O'sha devorlar qal'ani



dushmanlar hujumidan himoya qilgan. Uning 3 ta darvozasi bo‘lgan. Samarqand qal’asiga ana shu darvozalar orqali kirib-chiqilgan.

Qal’a mustahkam bo‘lsa ham, u juda ko‘p hujumlarga uchragan. **Urushlarga guvoh bo‘lgan.** Bir necha bor **vayronaga** aylantirilgan. Ana o’sha vayronalar ba’zi manbalarda Afrosiyob deb ham ataladi.

Bundan 650 yil oldin Amir Temur bobomiz Samarqand shahrini o‘z davlatining poytaxti deb e’lon qilgan. Shahar kengaytirilib, yana devor bilan o’rab olingan. O’shanda shaharga kirib-chiqish uchun 6 ta darvoza qurilgan. Temuriylar davrida Samarqand shahri juda go‘zallahib ketadi. Registon maydoni ham ayni shu davrlarda qurilgan. Bu maydonda hozir “Sharq taronalari” xalqaro festivali o’tkaziladi.

1925-yildan 1930-yilgacha Samarqand davlatimiz poytaxti edi. Olimlarning aniqlashicha, Samarqandning yoshi 2700 yildan oshgan ekan. Samarqand albatta borish kerak bo‘lgan 50 shaharning biri hisoblanadi.

Bolalar ensiklopediyasidan



Quyida berilgan gaplarni o‘qing. Ular matndagi qaysi gapga mos kelayotganini toping.

1. Samarqandni “Yer yuzining ko‘rki” deb atashgan.

2. Qal’a juda ko‘p urushlarni ko‘rgan.

3. Ko‘p marta buzib tashlangan, xaroba joyga aylantirilgan.

4. Samarqand Amir Temur davlatining poytaxti bo‘lgan.

5. Amir Temur va uning avlodlari Samarqandni juda ham go‘zal shaharga aylantirgan.



Quyidagi topshiriqlarni bajaring.

1. **Samarqand – yer yuzining sayqali.** Sizningcha, ushbu gapdagi “sayqal” so‘zi qaysi ma’nolarda kelgan? Mos javoblarni belgilang.

obro’si

ko‘rki

jilosি

bezagi

chiroyi

yuragi

2. **Qal’a mustahkam bo‘lsa ham, u juda ko‘p hujumlarga uchragan. Urushlarga guvoh bo‘lgan.** Sizningcha, gapdagi “guvoh bo‘lgan” birikmasi qaysi ma’nolarda qo‘llangan? Mos javoblarni belgilang.

ko‘rgan

sababchi

shohid bo‘lgan

vayron bo‘lgan

tayyorgarliksiz

3. **Bir necha bor vayronaga aylantirilgan.** Sizningcha, ushbu gapdagi “vayrona” so‘zi qaysi ma’nolarda kelgan? Mos javoblarni belgilang.

xaroba

buzilgan

qarovsiz

imorat

eski


fayzsiz



2. **“Borish kerak bo‘lgan shahar” matni asosidagi topshiriqlarni bajaring. Berilgan gaplarning to‘g’ri yoki noto‘g’ri ekanini belgilang. Javobingizni matn orqali isbotlang.**



“Amirni yenggan non” mavzusidagi audiomatnni tinglang. Savollarga javob bering.



- 1 Hikoya nima haqida?
- 2 Amir nima uchun Samarqanddan nonvoy olib keldi?
- 3 Nima uchun hikoyaga “Amirni yenggan non” deb nom berilgan?
- 4 Hikoyadan qanday xulosa chiqardingiz?



3. Matndagi narsa nomlarini bildirgan so‘zlarni eslab yozing.

Namuna *non, suv, ...*



Sizningcha, “non” so‘zida nima uchun **-lar** qo‘sishim-chasi bor?



4. Ko‘plikda qo‘llanadigan narsa nomlarini bildiruvchi so‘zlar ishtirokida 3 ta gap yozing.

Namuna *Devor bilan o‘ralgan shaharlar* qal‘a deyilgan.



Quyidagi ma’lumotlar bilan tanishing. Ayting-chi, siz chet elliq sayyohni Samarqand bilan qanday tanishtirasiz?




SAMARQANDGA XUSH KELIBSIZ!



Registon majmuasi
Samarqandning ramzi hisoblanadi. Bu yerda Mirzo Ulug'bek, Sherdor madrasalari, Tillakori masjidi joylashgan.

Go'ri Amir maqbarasi


Dunyoga dong'i ketgan sarkarda Amir Temurning maqbarasi.



Ulug'bek rasadxonasi
Bu yerda Mirzo Ulug'bek o'z shogirdlari bilan birga koinotni, yulduzlarni o'rgangan.

Afrosiyob yodgorligi

Afrosiyob qadimiy shahardir. U hozirgi Samarqand shahri o'rnidida bo'lgan. Bu yerda arxeologlar qazilma ishlarini olib bormoqda.





5. Chet eldan kelgan sayyohni Samarqand bo'ylab
sayr qildirish tafsilotini yozing.



She'rni o'qing. Nuqtalar ortida yurtimizning qadim tarixga ega shahar va viloyatlarining nomi yashirilgan. She'r mazmuni hamda qofiyalari asosida ularning nomini toping.

BU – BIZNING O'ZBEKISTON

Qaysi yerning nonlari
Kiritadi jonlarni?
Minoralari baland,
Bu sayqali




Qayerning zardo'zlari
Shirin-shakar so'zlari?
Mashhurdir dunyo aro,
Budir qadim



Alpomishning yeri u,
Changqovuzning eli u.
Tog'lari qalqon go'yo,
Albatta

Qaysi yerning lazgisi
Mo'jizaning naq o'zi?
Bu el juda ham azim
Hamma bilar



Yalo-yalo, yalola,
Beravering savollar.
Barisi – go'zal bo'ston,
Bu – bizning O'zbekiston.

Kavsar Turdiyeva



6. She'r matnida tushirib qoldirilgan shahar va viloyat nomlarini yozing. Ular ishtirokida gap tuzing.

Namuna Men yozgi ta'tildaga borganman.



7. She'rdan ko'plikda qo'llangan narsa nomlarini topib yozing.


Namuna minoralar, ...



She'rni yoddan aytib bering.



Quyidagi so'zlarni rasmlar bilan moslang.



Changqovuz

Minora

Zardo'zlik



She'r matni asosida jadvalni to'ldiring.

Bezak san'ati rivojlangan shahar

Alpomish tug'ilgan yer

Bu yerning nonini yesangiz,
joningiz kiradi.

U yerning raqsi xuddi mo'jizaga
o'xshaydi.

Tog'lari himoya qiladigan yer



She'rdagi qofiyadosh so'zlarni yozing.



Tasavvur qiling, boshqa viloyatda do'stingiz bor. Siz uni yashab turgan joyingizga taklif qilmoqchisiz. Shu mazmunda xat yozing. Yozgan xatingizda quyidagilar aks etishi kerak.



Nima uchun do'stingizni taklif qilyapsiz?

Masalan, tug'ilib o'sgan joyingiz bilan tanishtirish uchun.

Boshlanmalardan birini tanlashingiz mumkin:

1. Assalomu alaykum, do'stim (dugonam)...!
2. Salom, mening...!
3. Do'stim (dugonam) ...!
4. ...!

Undan nimalarni so'ramoqchisiz?

1. O'qishi haqida.
2. Ota-onasi haqida.
3. Nimalar bilan shug'ullanayotgani haqida.

Xulosalardan birini tanlashingiz mumkin.

1. Seni ...da kutaman, xayr.
2. Ko'rishguncha, xayr.
3. Sog'-salomat bo'l. Ko'rishguncha.
4. Seni kutib qoluvchi do'sting

Agar do'stingiz kelsa, uni qanday qiziqarli sayohat kutmoqda?

MUSTAHKAMLASH



Quyidagi so‘zlarda nuqtalar o‘rniga harf qo‘yish kerakmi? U qaysi harf? Kerakli harfni qo‘yib ko‘chiring.

go‘s...

Toshken...

balan...

Buxoro...

pult...

Parken...

Berlin...

diktan...

darax...

mush...



Ko‘plikda qo‘llanadigan so‘zlarni aniqlang. Ularga -lar qo‘shimchasini qo‘shib, gaplar tuzing.

shahar

davlat

non

mashina

tog‘

devor

maqbara

rasm

Registon

so‘z

O‘zbekiston

Algomish

mashhur

minora

tuz

un

Quyosh

Oy

qalqon

xat



Tasavvur qiling, samar-qandlik do‘stingiz bor. U sizni Samarqandga taklif qilmoqda. Unga qayerlarga bormoqchi, nimalar qilmoqchi ekaningiz haqida xat yozing.



9-BO'LIM

YOZUVNI KIM IXTIRO QILGAN?



Rasmlarda aks etgan so'zlarni toping.



eshik




ko'z



o'simlik



?



?



?


tog'

ilon

suv



Rasmga diqqat bilan qarang.



1


Ayting-chi, bu qadimiyo rasmni yozuv deyish mumkinmi?

2

Yozuv deyish mumkin bo'lsa, unda nimalar haqida yozilgan bo'lishi mumkin? O'ylab ko'ring.



1. Rasmdagi voqealarni yozing.



ovchi



uy



dengiz sheri

orol



2. Daftardagi qadimiyo yozuv matnini o'qing. O'z matningiz bilan solishtiring.



- ① Nima deb o'ylaysiz, belgi va rasmlli yozuvlar hozir ham bormi?
- ② Buyumlar solingan qutida, mahsulot qadog'ida, qurilmalarda, yo'l bo'yida, do'konlarda va oshxonada uchraydigan belgilarni eslaysizmi?
- ③ Ularning ma'nosini bilasizmi?



*Yozuvlar faqat harflar ko'rinishida emas, balki turli **belgilar** va **rasmlar** shaklida ham bo'ladi.*



YOZUVNING TARIXI

A

Qadimda hali yozuv ixtiro qilinmagan edi. U vaqtarda odamlar "buyumli yozuv"dan foydalanishgan. Masalan, ovchi yo'lda ustma-ust terilgan toshlarni ko'rgan **va** shu yaqin-atrofda yirtqich hayvonning uyasi borligini bilib olgan. Chunki bu toshlarni oldinroq boshqa ovchi xabar berish uchun qo'yib ketgan-da.

人 odam

木 daraxt

B

Yozuvni 10 ming yillar oldin hozirgi Suriya davlati hududida yashagan odamlar ixtiro qilgan. Dastlabki yozuvlar rasmli edi. Ularda gap yoki so'z biror narsaning surati bilan ifodalangan. Bu yozuvlar tosh, suyak yoki g'or devorlariga yozilgan.

፩	፪	፫	፬	፭	፮	፯	፻	፼	፽	፿
፻	፳	፴	፵	፶	፷	፸	፹	፺	፻	፻
፻	፳	፴	፵	፶	፷	፸	፹	፺	፻	፻

D

Keyinroq Qadimgi Misr va Xitoyda iyeroglifli yozuv paydo bo'lgan. Bu yozuvda so'z biror shakl bilan ifodalangan. Har bir so'zning alohida shakli bo'lgan. Bu yozuvni o'rganish juda qiyin edi, **chunki** mingdan ortiq iyerogliflarni yodda saqlash hammaning ham qo'lidan kelavermaydi.

E

Iyeroglif va rasmiy yozuvda har bir so'z uchun alohida shakl bo'ladi. So'zlar juda ko'p, tovushlar esa so'zlarga nisbatan kam. Shuningdek, so'zlar ana shu tovushlarning birikishidan tashkil topadi. So'zni emas, tovushni yozuvda ifodalash qulay bo'lishini tushunib yetgan odamlar harfli yozuvni o'ylab topishdi.

F

Ilk harfli yozuvni finikiyaliklar ixtiro qilishgan. Finikiy alifbosi 22 ta harfdan iborat edi. Finikiy yozuvi o'rganish va yozish uchun qulay bo'lgan, **shuning uchun** bu yozuv tez orada butun dunyo bo'ylab tarqaladi. Hozirgi yozuvlarning deyarli barchasi qadimgi finikiy yozuvi asosida shakllangan.

“Jippi akademik” jurnalidan



- 1 “Buyumli yozuv” deganda nimani tushundingiz?
- 2 Dastlabki yozuvlar qanday bo'lgan?
- 3 Iyeroglifning oddiy harflardan farqi nimada?
- 4 Finikiy alifbosi qanday alifbo edi?
- 5 Tovush va harfning farqini tushuntira olasizmi?
- 6 Sizningcha, lotin alifbosidagi qaysi harflar finikiy alifbosidan olingan bo'lishi mumkin?



3. Matn qismlarini quyidagi sarlavhalar bilan moslashtiring.



Matndagi barcha gaplarni mazmunan bog'lab turgan so'z qaysi deb o'ylaysiz?

Iyerogliflar

Yozuvlar

Rasmlar

Tovushlar



Buyumli yozuv haqidagi ma'lumotlarni o'qing.

Miqdorni ifodalash uchun turli toshlar, chig'anoqlardan foydalanilgan.

Bir xabarni uzoq masofaga yetkazish uchun tutun, gulxan, baraban ovozi kabilalar qo'llangan.

Ramziy ma'no berilgan buyumlardan foydalanilgan: slavyan qabilalarida non va tuz do'stlik belgisi hisoblangan.



Kichik guruhlarga bo'linib, o'qituvchingiz bergan qisqa ma'lumotni buyumlar yordamida ifodalang.



4. "Yozuvning tarixi" matni asosida bo'sh o'rirlarni to'ldiring.




5. Jadvaldagи gaplarning 1- va 2-qismini o'zaro moslang.



6. So'zlar to'g'ri yoki xato yozilganini matn yordamida tekshiring. Agar so'zlarda xato bo'lsa, ularni to'g'rilib, keyingi katakka yozing.



"Dangasa harflar" ertagini tinglang.





- 1 Aka-uka katta “O” va kichik “o” harfi nima uchun raqamlar mamlakatiga ketib qolishibdi?
- 2 Ular nimani o’ylashibdi?
- 3 Harflar mamlakatidagi qirol kim ekan? Nima uchun aynan u qirol bo’lgan deb o’ylaysiz?
- 4 “A” harfi qanday maslahat beribdi?
- 5 Qirolning qaysi so’zni yozishda boshi qotibdi?
- 6 “B” harfi qanday maslahat beribdi?
- 7 4 va 5 raqami tutib kelganda aka-uka “O” lar qayerda edi?
- 8 Qirol qochoq harflarga nima deb tanbeh beribdi?
- 9 Nima uchun ertak “Dangasa harflar” deb nomlangan?



**Jadvalning ikki ustunidagi gaplarni solishtiring.
Ulardagi farqni aniqlang.**

Ular katta “O” va kichik “o” yo’qolib qolganidan qattiq qayg’urishibdi.

Qirolning boshi qotibdi.

Boshqa ilojimiz yo’q.

Bunga yo’l qo’yib bo’lmaydi.

Aybiga iqror bo’lib

Ular katta “O” va kichik “o” yo’qolib qolganidan juda tashvishga tushishibdi.

Qirol o’ylanib qolibdi.

Boshqa choramiz yo’q.

Bunday qilish mumkin emas.

Aybdor ekanini tan olib



7. Berilgan gaplardan to’g’ri yozilganlarini belgilang.



**8. Ertakdagi o’zingizga yoqqan 3 ta gapni yozing.
Har bir gapni bosh harf bilan boshlang.**



- Gap tugallangan fikrni bildiradi.
- Gapda so’zlar bir-biri bilan bog’lanadi.
- Gapning birinchi so’zi bosh harf bilan boshlanadi.





YOZUV “YOVUZ” BO‘LMASIN

“Q” o‘rniga “F” yozsang,
“Qil”dan “Fil” paydo bo‘lar.
“Gado”ning boshi ketsa,
Albatta “ado” bo‘lar.
“Bulbul”ni “G‘ulg‘ul” dema,
“B” o‘rnin “G” olmasin.
“Z” o‘rniga “R” yozma,
“Ko‘z” “ko‘r” bo‘lib qolmasin.
“S”ni “L”ga almashib,
Tiniq “soy”ni “loy” qilma.
Harflarni chalkashtirib,
Gapni poyma-poy qilma.

Dilshod Rajab



- 1 Shoir nima uchun “qil” bilan “fil” so‘zlarini qiyoslagan?
- 2 “Gado” bilan “ado” so‘zlarining ma’nosini bilasizmi?
- 3 Nima uchun bulbulni “g‘ulg‘ul” demaslik kerak?
- 4 “Tiniq “soy”ni “loy” qilma” misrasini izohlang.
- 5 Aslida nima poyma-poy bo‘lishi mumkin?
- 6 She’r sarlavhasidagi “yovuz” so‘zining ma’nosini bilasizmi?
- 7 Qaysi ertak yoki multfilmda yovuz qahramon haqida eshitgansiz?
- 8 Sizningcha, she’rga yana qanday sarlavha qo‘yish mumkin?



9. She’rdan bitta tovush bilan farqlanayotgan so‘zlarni ko‘chiring.



10. Rasmdagi belgilarni izohi bilan moslang.





Quyidagi belgilarni izohlang va ma'nosini yozing.




- 1 Bu belgi va rasmiy yozuvlarni qayerlarda uchratgansiz?
- 2 Nima deb o'ylaysiz, yozuvning bunday turidan nega foydalanamiz?



"Bo'g'in" o'yinini o'ynaymiz.

O'yin sharti

O'qituvchi bolalarga bitta so'z aytadi. Bolalar aytilgan so'zning oxirgi bo'g'ini bilan boshlanuvchi so'zni topib yozadilar va yozgan so'zlarining oxirgi bo'g'iniga so'z topib, yana o'yinni davom ettiradilar. Bunda birinchi aytilgan so'zning oxirgi bo'g'ini keyingi so'zning birinchi bo'g'iniga to'g'ri kelishi kerak. Shu tariqa o'yin davom etadi. Eng ko'p so'z topib yozgan o'quvchi g'olib bo'ladi.



Maktab

tabriknomma

madadkor

korxona

nabira

MUSTAHKAMLASH



She'rni o'qing.

HARFLAR NIMAGA O'XSHAYDI?

“M” – mushukdek dingqulqoq,
“Miyov-miyov pochcha”dir.
“F” – fayzli ayvonda
Misli faner tokchadir.
“J” – Jayxunning suvida
Turgan jajji qarmoqcha.
“N” – nuragan ko'prikmi
Yoki nozik ilmoqcha?
Doim peshi pirpirar,
Ko'rinishdan “P” – bayroq.
Yurar qornin do'mpaytib
Dimog'dor “D” baqaloq.
“Y” – Yo'Idoshvoy yo'qotgan
Yog'och cho'zma ayrisi.

“H” – holvaxo'r Husanning
Tor karavot-so'risi.
“T” – hali sim tortilmay,
Tip-tik turgan simyog'och.
“V” – vatanga vizillab
Sho'ng'iyoqgan qaldirg'och.
Yashar “L” ham lug'atda,
Laqabi emish “ketmon”.
Ustda – “Tutuq belgisi”,
Pastroqda u – “Vergul”jon.
Barcha harflar kitobda
Bizga qalin o'rtoqdir.
Bilimning keng yo'liga
Boshlaguvchi so'qmoqdir.

Anvar Obidjon



She'rda qaysi harf nimaga o'xshatilganini yozing.

Namuna M – mushukning quloqlariga.



**Quyida berilgan matnning nechta gapdan iboratligini
toping. Kerakli tinish belgisini qo'yib, matnni
ko'chiring.**

Bor ekan-da yo'q ekan, och ekan-da to'q ekan,
qadim zamonlarda, uzoq tomonlarda bir ertakka
o'ch Aqlbek degan bolakay bor ekan bobosi unga
ko'p ertaklar aytib berar ekan ularni miriqib eshitib,
ma'nosini tushungan Aqlbek o'rtoqlariga ham o'rni
kelganda to'g'ri fikr-gaplar aytarkan.


Dilshod Rajab

10-BO'LIM

MO'YQALAM MO'JIZASI



Rasmga qarang. Berilgan gaplarni o'qing.



Jamila "Kamalak"
kuyini chalmoqda.

Ibrohim "Kamalak"
nomli rasm
chizmoqda.

Zarifa "Kamalak"
nomli she'r
yozmoqda.



- 1 Nima deb o'ylaysiz, musiqa, rasm va she'rning qanday o'xshash jihatlari bor?
- 2 Musiqa, rasm va she'rning bir-biridan farqi nimada?
- 3 Kamalakni tasvirlab berishda rasm chizishning qanday ustunligi bor?
- 4 Kamalakdagi eng yoqtirgan rangingiz qaysi?



1. Tasviriy san'at kitobingizda uchratgan rasmlaringizni so'zlar bilan moslashtiring. So'zlarni to'g'ri talaffuz qiling.

haykaltaroshlik

rangli qalamlar

natyurmort

guash




akvarel

palitra

mo'yqalam



1. Quyidagi shakllarning nomlarini yozing.



2. Berilgan so'zlarga mos keluvchi ranglar nomini yozing.



RASSOMLAR BAHSI

Qohira shahrida dunyoga dong'i ketgan ikkita rassom **yashar** edi. Ikkisi ham o'zini yurtning eng **yaxshi** rassomi deb bilardi.

Kunlarning birida ular bahs boylabdi. Yurtning eng yaxshi musavviri kim ekaniga aniqlik **kiritmoqchi** bo'lishibdi. Bir **donishmand kishini** hakam qilishibdi. So'ng rassomlar uch kun **ichida** bittadan surat **chizishib** hakamning oldiga **keltirishibdi**.

Dastlab **birinchi** rassom chizgan surati ustidagi pardani olibdi. Suratda bir bosh uzum o'ta mahorat



bilan, yorqin **ranglarda** tasvirlangandi. Uzum barglari esa shabadada qimirlagandek tuyulardi. Hatto bir qush uchib kelib “uzum”ga **tumshuq** uribdi. Buni ko‘rib, yig‘ilganlar musavvirning mahoratiga qoyil qolishibdi.

So‘ngra ikkinchi rassom chizgan suratini ko‘rsatibdi. Biroq surat ustidagi pardani olishga **shoshmabdi**. Birinchi rassomning esa sabri yetmabdi, pardani olish uchun qo‘lini suratga cho‘zibdi. Buni **qarangki**, rassomning qo‘llari qog‘ozga urilibdi. Aslida parda ham surat ekan!

Shunda hakam debdi:

– Bu bahsda ikkinchi rassom g‘olib bo‘ldi. Negaki, birinchi musavvir faqat **qushni** alday oldi, **ikkinchisi** esa mahoratli rassomni ham aldadi.

“*Gulxan*” jurnalidan

1 Rassomlar qayerlik edi?

2 Rassomlar nega babs boylashadi?

3 Sizningcha, hakam adolatli qaror chiqardimi?

4 Siz qaysi suratni yaxshiroq deb hisoblaysiz?

5 Rassomlardan birining o‘rnida bo‘lsangiz, qanday surat chizar edingiz?

6 Sizningcha, rasm qanday chizilishi kerak?



3. “Rassomlar bahsi” matnida ajratib ko‘rsatilgan so‘zlarni bo‘g‘inga ajratib yozing.

Namuna so‘ng-ra, ...



Topishmoqlarni o‘qing va javobini toping.

O‘sar ko‘kka bo‘y cho‘zib,
Qulochday bargin yozib.
Xipcha bel, zarrin soqol,
Tishlari zich, dur misol.

Tim qora kichkina xol,
To‘xtatar yo‘lda darhol.

Rangi har xil,
Nomi bir xil.

Dum-dumaloq barkash non
Ko‘k yuzida suzadi.



Siz topishmoqlarning javobini qaysi belgilarga qarab topdingiz?



4. Rang, hajm va shakl-shamoyilni bildiruvchi so‘zlarni ustun shaklida yozing.



5. Berilgan maqollardan qarama-qarshi ma’noli so‘zlarni aniqlab yozing.

Gapni oz so‘zla,
Ishni ko‘p ko‘zla.

Yaxshi so‘z qand yedirar,
Yomon so‘z pand yedirar.

Erta turgan ish bitirar,
Kech turgan ko‘p turtinar.

Achchiq savol berib,
shirin javob kutma.

To‘g‘ri boshni
egri qilich kesmas.

Kattaga hurmatda bo‘l,
Kichikka izzatda.





Rasmlarga diqqat bilan qarang.

ZUMRAD VA QIMMAT



1



2



- 1 Rasmlarning qay birida Zumrad, qay birida Qimmat tasvirlangan? Bir qarashdayoq Zumrad va Qimmatni tanidingizmi?
- 2 Rasmdagi qaysi narsalardan Zumradni tanidingiz?
- 3 Rasmdagi qaysi narsalardan Qimmatni tanidingiz?
- 4 Qimmatning kiyimlari, yuz ko‘rinishi qanday tasvirlangan? Nima uchun bunday?
- 5 Zumradning kiyimlari, yuz ko‘rinishi qanday tasvirlangan? Nima uchun bunday?



6. Zumrad va Qimmatga xos belgi, xususiyatlar asosida jadvalni to‘ldiring.



Zumrad va Qimmatning qarama-qarshi tomonlari haqida gaplar tuzib yozing. Yuqorida to‘ldirgan jadvalingizdan foydalaning.

Namuna

Zumrad **odobli**, Qimmat esa **odobsiz** qiz ekan.






Rasm va she'rni taqqoslang.

KUNGABOQARLAR

Quyoshga yuzin burar
Kungaboqar – lashkarlar.

Go'yoki salom berar
Generalga askarlar.

Xudoyberdi Komilov



- ① She'nda kungaboqarlar nima uchun askarga o'xshatilgan?
- ② Rasm va she'rning o'xshash taraflarini bormi?
Ular qaysi?
- ③ Rasm va she'rning farqli taraflari bormi?
Ular qaysi?
- ④ Tabiatni tasvirlab berishda rasmning kuchli taraflari nimada?
- ⑤ Tabiatni tasvirlab berishda she'rning kuchli taraflari nimada?
- ⑥ She'nda quyosh nima uchun generalga o'xshatilgan?



She'rni ifodali o'qing.

KO'KLAM YOMG'IRI

Saxiy tuproq – ona Yer
Ochsin deb yana chiroy.
Qo'shiq aytib, "chakillab"
Ishga tushar Yomg'irvoy.



U shu'ladek sochilib
G'ubor qochgan gulzorga,
Pufaklar taqdim etar
Sharqiragan anhorga.

Yo'llar, yo'laklar zumda
Yargirar oyna kabi.
Shamollashdan cho'chibmi,
Titrar gullarning labi.

Tomlar qo'shiq aytishar,
Yashnar adir, dalalar.
Yengil tortib, qirlarda
Tebranishar lolalar...

Abdurahmon Akbar



She'rni o'qiganda ko'z oldingizga kelgan manzara rasmini chizing.



"Ketkazyapmiz bo'yoqni" she'rini tinglang.



7. "Ketkazyapmiz bo'yoqni" she'ri asosida berilgan gaplarning to'g'ri yoki noto'g'ri ekanini belgilang. Javobingizni matn orqali isbotlang.



She'rda qo'llangan tasviriy san'atga oid so'zlarni yozing.

Namuna bo'yoq,



- 1 Ayvon uyning qaysi qismi?
- 2 "Shiqillatdik tuyoqni" deganda bolalarning qanday harakati ifodalangan?

- ③ “So‘zdan chiqmaslik” deganda nimani tushunasiz?
- ④ Siz she’rga qanday sarlavha qo‘ygan bo‘lardingiz?



Rasmga qarab she’r yozing.



- Partadoshingiz bilan rasmda aks etgan voqealari haqida fikr almashing.
- She’r uchun chiroyli sarlavha o’ylab toping.
- Yozgan she’ringizni partadoshingizga bering.
- Partadoshingizning she’ri haqida o’z fikringizni ayting.



MUSTAHKAMLASH



Matnni o'qing.



Mashg'ulotda chizish uchun yangi natyurmort qo'yilgan. Natyurmort qahramonlari – qandaydir qush tulumi, olma va oddiy tovuq tuxumidan o'n barobar katta gips tuxum.

To'garak a'zolariga bir varaqdan qog'oz, bo'yoq, cho'tka beriladi.

Chizishni qo'rmasdan rangda, suvbo'yoqni oqizib-oqizib boshladim.

Qush uchib ketishga tayyorday jonli, olma yeb qo'yishga tayyorday dum-dumaloq chiqdi. "Doda" tuxumni o'xshatish mehnat talab qildi, ter to'kishga to'g'ri keldi. Tuxum oq emasmi, o'xshatish qiyin bo'ldi. Rangni nozik, bo'yoqni suyuq, soyani quyuq berdim. Binoyidek chiqdi.

Alisher Mirzo,
"Kallaxonalik yigitcha" asaridan



- 1 "Natyurmort" so'zini tushundingizmi?
- 2 Rassom nimalarning rasmini chizdi?
- 3 U narsalar haqiqiy edimi?
- 4 Uning ishi uchun nimalar kerak bo'ldi?
- 5 Qaysi narsani o'xshatish qiyin bo'ldi? Nima uchun?
- 6 Oq tuxumni yaxshiroq o'xshatish uchun rassom nima qildi?
- 7 "Binoyi" so'zining ma'nosi nima?

10-BO'LIM

BOLALAR QO'SHIQLARI



Rasmdagi hayvonlar qanday tovush chiqarishini ayting.



Qo'shiqni birgalikda kuylang.

Chip-chip jo'jalarim,
Chip-chip-chip jo'jalarim.
Mening jajji jo'jalarim,
Turli-tuman jo'jalarim.



Keling, sizga suv beraman,
Keling, sizga don beraman,
Hoy mening jo'jalarim,
Hoy mening jo'jalarim.



Chip-chip jo'jalarim,
Chip-chip-chip jo'jalarim.
Mening jajji jo'jalarim,
Turli-tuman jo'jalarim.



- 
- 1 Jo'jalarning tovushini yozuvda qanday ifodalar ekanmiz?
 - 2 Tovuqning tovushini ham yozuvda ifodalab ko'ring-chi.
 - 3 Kuchuk va mushukning tovushini qanday yozamiz?
 - 4 Yana qaysi hayvonlarni bilasiz, ularning tovushini yozib bering.
- 



She'rlarni o'qing. Ovozlarga taqlid so'zlarni namunadagi kabi yozing.

Namuna jo'ja – chip-chip.

Ona chumchuq va bola chumchuq

Don topib ona chumchuq,
Der "chiriq-chiriq".
Xursand, sig'mas olamga:
– Olib boray bolamga!

Don topib bola chumchuq,
Der "chiriq-chiriq".
– Kelmasdan sherik, o'rtoq,
Yeb olay tezroq.



Rauf Tolib



Atrofdagi tovushlarni yozuvda ifodalash uchun ishlatadigan so'zlarimiz taqlid so'zlar deyiladi.





1. Namunadagi kabi birikmalar yasab, yozing.

Namuna

*g'oq-g'oq qilmoq = g'oqillamoq
g'a-g'a qilmoq = g'ag'alamoq*

vov-vov

miyov-miyov

qu-qu

mo'-mo'

g'uq-g'uq

vish-vish



“Kulcha” qo’shig‘ini tinglab, birgalikda kuylang.



“Kim oladi shuginani?” o‘yinini o‘ynang.



Qo’shiqni tinglang. Quyidagi she’r uning davomi.
Qo’shiqqa o’xhatib kuylang.

- Oyijon, oyijon-a,
Quloqqinam og‘ridi-ya.
- Quloqqinangdan oying o‘rgilsin,
Nimalarga og‘ridi-ya?
- Do‘konlarda bo‘lar emish,
Bozorlarda sotar emish,
Ana uning nomi tilla zirak,
O‘sanga og‘ridi-ya.
- O‘sanga og‘risa-yo, alam-o, alam.
- Oyijon, oyijon-a,
Bilakkinam og‘ridi-ya.
- Bilakkinangdan oying o‘rgilsin,
Nimalarga og‘ridi-ya?
- Zargarlarda bo‘lar ekan,
Do‘konlarda sotar ekan,
Uning nomi bilaguzuk,
O‘sanga og‘ridi-ya.
- O‘sanga og‘risa-yo, alam-o, alam.





ARRA G'IZ-G'IZ

Tolmi, terak yo qayin,
O'tin bo'lar zum sayin.
Arra g'iz-g'iz, arra g'iz-g'iz.


Sen tort, men tort qilmaymiz,
Charchash nima bilmaymiz.
Arra g'iz-g'iz, arra g'iz-g'iz.

G'iyoş Komilov



- 1 She'rda nima uchun "arra g'iz-g'iz" deyilmoqda?
- 2 Narsalardan chiqadigan yana qanday tovushlarni bilasiz?

2. Rasmlardagi narsa, hodisalar va ulardan chiqadigan tovushlarni moslashtiring. Daftaringizga yozing.



shar-shar

g'uv-g'uv

taq-taq

shitirshitir

jiring-jiring

shov-shov

gumbur-gumbur



Ovozlarni eshititing. Ularni yozuvda ifodalang.



3. Namunadagi kabi birikmalar yasab, yozing.

Namuna

shitir-shitir = shitirlamoq,

taq-taq = taqillamoq

jiring-jiring

shov-shov

gumbur-gumbur

shar-shar

g'uv-g'uv

taq-taq

shitir-shitir



4. Taqlid so'zlar qatnashgan 6 ta gap tuzing.

Namuna

Osmonda momaqaldiroq gumburladi.



Ikki guruhga bo'lining. Doskani ikkiga bo'lib oling.
Bir guruh hayvonlar tovushiga taqlidni, ikkinchi guruh boshqa taqlid tovushlarni yozishi kerak.



- 1 Alla qo'shig'ini eshitganmisiz? Uni kimlar aytadi?
- 2 Musiqasiz ham qo'shiq bo'lishi mumkinmi?



Gulbahor Erqulova ijrosidagi "Alla" qo'shig'ini tinglang.



Matnni o'qing, savollarga javob bering.

ALLA

To'g'risini aytsam, onam menga aytib bergen allani hech eslay olmayman. U payt juda kichkina edim-da. So'zlarni ham yaxshi tushunmasdim.

Hali tilim ham chiqmagan edi – gapishtni bilmasdim. Keyin kattaroq bo'lib, bilganman. Bolani beshikka belab uxlatish uchun alla aytishadi. Odatda bolaga tug'ilganidan esini tanigunicha alla aytildi. Onam singlimni uxlatish uchun aytgan allasini eshitib, o'zim ham uxbab qolganimni elas-elas eslayman.

3-sinfda o'qiyotganimda menga radiocha olib berishgan. Orqasiga quvvattosh solsa bo'lardi. Chiroq bo'lmasa ham ishlayverardi. U paytlar har kuni chiroq o'chardi. Kechki soat to'qqizda radioda alla qo'shig'i eshittirilardi. Habiba Oxunova degan qo'shiqchi kuylardi u allani.


*Alla aytay, jonio bolam, qulog solgin, alla.
Shirin allam tinglab asta, uxbab qolgin, alla.
Yuzlaringga tomgan suvga hayron bo'lma, alla-yo.
Baxtinga sen katta bo'lgin, ko'rар ko'zim, alla.*

Men shu allani eshitib uxbab qolardim.

Katta bo'lib o'rgandim – alla hamma millatlarda bor ekan. O'zbeklar aytadigan allada onaning orzusi, komil inson haqidagi o'ylari qo'shib kuylanadi. Onalar farzandi dunyodagi eng yaxshi inson bo'lishini tilab alla aytadi.



Hozir telefonimga o'sha allani saqlab olganman. Har zamonda eshitib turaman. Endi alla eshitsam, uxbab qolmayman, bolaligimni, qishlog'imni eslayman. Bolalar bilan soyda cho'milganimiz, yong'oq otish, loy po'rsildoq o'ynaganlarimiz ko'z oldimga keladi. Nega shunaqa ekanini hech bilmayman.



- 1 Muallif nima uchun onasi aytib bergen allani eslay olmaydi?
- 2 Alla qanday qo'shiq? U kim uchun kuylanadi?
- 3 Onalar qachondan boshlab alla aytishadi?
- 4 Quvvattosh nima?
- 5 Radio va radiocha o'ttasida qanday farq bor?
- 6 Ona allasida nimalar ifodalanadi?
- 7 Ona bolasi uchun Allohdan nimalar so'rashi mumkin?



Onagiz, buvingiz, bobongiz yoki dadangizdan yoshliliklarida qanday qo'shiqlar aytib o'ynashganini so'rang. So'zlarini daftaringizga yozib keling, aytlishini o'rganing.



Kattalardan o'rganib kelgan qo'shiqlaringizni aytib bering. Sinfdoschingiz aytgan qo'shiqlarni ham o'rganib oling.



MUSTAHKAMLASH



Ko‘k ustundagi hayvonlar nomini yashil ustundagi taqlid so‘zlarga moslashtirib ko‘chiring.

Namuna *Mushuk miyovlaydi.*

mushuk
kuchuk
ilon
tovuq
chumchuq
sigir
g’oz
o’rdak




vishillaydi
ququlaydi
miyovlaydi
mo’laydi
g’oqillaydi
g’ag’alaydi
vovullaydi
chirqillaydi



Quvvattoshni qayerlarda ishlatalamiz?

QUVVATTOSH




Biror o‘yin haqida aytib bering. Quyidagi savollarga javob bo‘ladigan gaplardan foydalanishga harakat qiling.

- 1. O‘yining nomi nima?
- 2. O‘ynashni kimdan o‘rgangansiz?
- 3. Unda qanday qo‘shiqlar aytildi?
- 4. O‘ynash qoidalari qanday?
- 5. Yutish uchun nimalar qilish kerak?


11-BO'LIM YO'L QOIDASI – UMR FOYDASI



Rasmlardagi har bir narsaga diqqat qiling va savol-larga javob bering.



A



B



D



E



- 1 A rasmda bolalar nega to'xtab turishibdi?
- 2 B rasmda bolalar nima sababdan yo'ldan o'ta boshlashdi?
- 3 D rasmdagi bolaning harakatlari to'g'rimi?
Nima uchun?
- 4 E rasmdagi bolaning harakatlari to'g'rimi?
Nima uchun?



1. Yo'ldagi harakat va holat bilan bog'liq so'zlarni yozing.

Namuna o'tdi, kutdi, chalg'idi, ikkilandi.



Shaxs va narsalarning harakatini bildirgan so'zlar nima qildi?, nima qildilar?, nima qilyapti?, nima qilyaptilar?, nima qiladi? yoki nima qiladilar? so'roqlariga javob bo'ladi.

Masalan


1. Svetoforning qizil chirog'i yondi (nima qildi?).
2. Bolalar piyodalar yo'lakchasi dan o'tdilar (nima qildilar?).



2. Rasm asosida gaplar tuzing va yozing. Gaplardagi harakat va holatni bildirgan so'zlarni so'roqlar orqali aniqlang.



1. Sizningcha, belgilardagi ranglar nimani bildiradi?
2. Belgilarni so'zlar bilan moslashtiring. Vazifasini muhokama qiling.



piyodalar o'tish joyi

shifoxona

oshxona

hojatxona

velosiped yo'liasi

ta'mirlash ishlari

yerosti yo'li

tosh otilish xavfi

chiqindi yig'ish joyi

yerusti yo'li

temiryo'l bor

toshlar tushishi

it bilan mumkin emas

velosipedda harakatlanish taqiqlangan

kirish taqiqlangan



3. O'zingizga yoqqan yo'l belgilaridan 4 tasini tanlang va izoh yozing.

Namuna 2-belgi: *velosipedda harakatlanmang!*



- ① Maktabingiz oldidagi piyodalar o'tish joyini bildiruvchi belgini ko'rganda haydovchi nima qilishi kerak?
- ② Siz yo'lni doim belgilangan joydan kesib o'tasizmi? Nega unday qilasiz?



Matnni o'qing. Ajratib ko'rsatilgan so'zlarni lug'atdan topishga harakat qiling. Savollarga javob bering.

YOLG'IZ QOLGAN YO'L BELGISI

Ko'cha chetida yo'l belgisi bo'lardi. Uning odamlarga foydasi ko'p edi. Biroq kunlar o'tib belgi zerika boshladi:

– Eh, buncha zerikarli bo'lmasa? Yo'lda **yalpayib yotadigan** chiziqlar ham ketib qolganiga bir hafta bo'ldi. O'shandan beri yolg'izman. Odamlar va mashinalar ham kam o'tadigan bo'lib qoldi. Yetar, odamlar **gavjum** joyga ketaman.



Shunday deb belgi **yo'l yoqalab** yura boshladi. U qushlar sayrashini, yo'l chetidagi ariqning quvnoq shildirashini tingladi. Tabiatga mahliyo bo'lgancha o'z o'rnidan ancha uzoqlashib ketdi.

Bu orada maktabda darslar tugadi. Bolalar har doimgidek ilgari belgi turgan joydan yo'lni kesib o'tishardi. Chunki ular belgining ketib qolganini bilishmasdi-da. Boshqa tomondan "Kamaz" ham yo'lda belgi yo'q ekan deb shoshib kelardi. "Kamaz" yo'ldan o'tayotgan bolalarga **ko'zi tushdi-yu**, g'ildiraklari chiyillab **zo'rg'a** to'xtadi.

Bolalar qichqirig'ini eshitgan yo'l belgisi qo'rqib ketdi. Nima qilib qo'yganini **bir zum** o'ylab turdi-yu, **yuragi qinidan chiqib** ketay dedi. U o'z joyiga **halloslagancha** yugurib keldi. Bolalarning sog'-salomat ekanini ko'rib ko'ngli joyiga tushdi.

– Bo'ldi, endi hech qachon o'rnimni tashlab ketmayman. Doim haydovchilarga bu joydan bolalar kesib o'tishi haqida bildirib turaman, – dedi.

"Yo'l qoidalari haqida ertaklar" to'plamidan

- 
- 
- 1 Yo'l belgisi nima sababdan ketib qoldi?
 - 2 Hikoyada ajratib ko'rsatilgan qismlar kimning tilidan aytilgan?
 - 3 "Zerika boshladi" hamda "zerikib qoldim" birikmalarida qanday ma'no farqi bor?
 - 4 Yo'l belgisi bo'lgan ishdan qanday xulosa chiqardi?
 - 5 Bolalar yo'lni yo'l belgisiga qaramasdan kesib o'tishlari to'g'rimi? Nega?
 - 6 Hikoyaga boshqa sarlavha tanlang.



Ko'k rangda berilgan so'zlarni yashil rangda berilgan izohlar bilan moslashtiring.

yalpayib yotmoq

odam ko'p bo'lgan joy

gavjum

bir amallab, qiyinchilik bilan

yo'l yoqalab

qo'rqib ketish

zo'rg'a

og'ir nafas olish, hansirash

ko'zi tushmoq

ko'rib qolish

bir zum

yo'l chekkasidan yurish

halloslash

o'zini erkin tutib, bemalol yotish

yuragi qinidan chiqish

juda qisqa vaqt



4. Berilgan gaplarni o'zgartirib yozing.



5. Rasmlarga e'tibor bering. Ularga mos holat va harakat fe'llarini yozing. Ular ishtirokida gaplar tuzing.



1



2



3



4



Audiohikoyani diqqat bilan tinglang.



95



6. Matn asosida berilgan savollarga javob bering.



She'rni ifodali o'qing. Savollarga javob bering.

PIYODALAR QO'SHIG'I

- Mashinani kim haydar?
- Haydovchi-da, haydovchi!
- Unda yana kimlar bor?
- Yo'lovchilar, yo'lovchi!

Yo'lni kesish joyida
Shunday bo'lar qoida.
Doim amal qil bunga,
Ko'rasan faqat foyda.


Chalg'imay sira gapga
Qaramoq kerak chapga.

Angraymay oldga, so'ngga,
So'ng qarash kerak o'ngga.

Shoshmay tursin shoshqaloq,
Otmay tursin shataloq.
Yonganda yashil chiroq
Tezda yo'ldan o'tadi.

Bir soniya o'tkazsa,
Bir daqiqa ketkazsa,
Bir zumgina yutqazsa,
Bir umrni yutadi.





- 1 Yo'ldan kesib o'tish qoidalari bilasizmi?
Aytib bering.
- 2 Yo'ldan kesib o'tishda nega birinchi navbatda chapga qarash kerak?
- 3 Shoshqaloq bola qanday bo'ladi?
- 4 Nega biror ishni shoshilmay qilish kerak?
- 5 She'rni yod oling. Uyda she'rdagi voqeaga mos rasm chizing.



7. She'r matnida qo'llangan harakat va holatni ifoda-lovchi so'zlarni aniqlab yozing.



Quyidagi rasm asosida og'zaki matn tuzing. Unda quyidagi qoidalarga amal qiling:

- Rasmni diqqat bilan kuzating.
- Nimalar haqida gapirmoqchisiz, aniqlab oling.
- Fikringizni tartibli bayon qiling.
- So'zlarni aniq va to'g'ri talaffuz qiling.
- Matningizni xulosalang.





Sinfdoshlaringiz tuzgan hikoyalarni diqqat bilan tinglang. Xatoga yo'l qo'yilgan so'zlarni yozib boring.



“Yo'l va bolalar” multfilmini tomosha qiling. Eslab qolgan qoidalaringizni yozing.



Topishmoqlarda yashirilgan transport nomlarini toping.

Bir tuyam bor – guldiroq,
Hamma yeri yaltiroq.

Cho'zilib yotar narvon,
Undan o'tar uy-karvon.



Baland temir uy yurar,
Burni tog'larni surar.



8. Qoidalarni buzuvchi, boshqalarning hayotiga xavf soluvchi haydovchilarga xat yozing.

1. Qoidabuzar haydovchiga xat yozayotganingizda quyidagi murojaat so'zlaridan qay birini tanlagan bo'lardingiz?

Qadrli haydovchi, hurmatli haydovchi, haydovchi.

2. Maqsadingizni bildirishda quyidagilardan qaysi birini tanlardingiz?

- A) Bilasizmi, nima uchun sizga xat yozyapman?
- B) Sizga xat yozishdan maqsadim shuki...
- D) Men sizga xat yozishga qaror qildim, chunki...
- E) Meni sizga xat yozishga majbur qilgan narsa...
- F) Har safar yo'ldan o'tayotganimda....

3. Xatingiz oxirida qaysi eslatmani tanlardingiz?

- A) Haydovchi, unutmang, sizni... !
- B) Xatimning oxirida shuni aytmoqchimanki, ... !
- D) Hurmatli haydovchi, o'zingizni va bizni asrang!
- E) Unutmang, yo'l qoidasi – umr foydasi!

MUSTAHKAMLASH



Bo'sh o'rirlarga berilgan so'zlardan mosini qo'yib, matnni o'qing.

Kerakli so'zlar: osilmang, kuting, turmang, joy bering, chiqmang, to'xtab turmang, to'xtagandan, gaplashmang, chiqarmang.

JAMOAT TRANSPORTIDA

Avtobusni bekatlarda _____. Yo'lning transport vositasi qatnaydigan qismiga _____. Avtobus va boshqa transport vositalariga ular batamom _____ so'ng chiqing. Jamoat transportiga orqa eshikdan chiqiladi, old eshikdan esa tushiladi. Avtobus harakatlanayotgan paytda sakrab chiqmang, zinapoyalarida _____, orqasiga _____.

JAMOAT TRANSPORTI SALONIDA

Salonga kirgan zahoti, o'rtasiga o'tib oling. Chiqish maydonchalarida _____. Keksa odamlarga, nogiron va yosh bolali yo'lovchilarga _____.

Jamoat transportida shovqin qilmang va baland ovozda _____. Haydovchini ishidan chalg'itmang. Oynalardan boshingizni _____. Agar bekatingiz yaqinlashib qolgan bo'lsa, oldinroq harakat qiling.

maktabim.uz saytidan



Yuqoridagi matndan kelib chiqib beshta qoida yozing.

Namuna Transport vositalarini bekatlarda kuting.

Qoida! Transport vositalarini bekatda kutish kerak.

11-BO'LIM

NAVBATDA TURISHNI BILASIZMI?




NAVBATDA



- Kechirasiz, siz ham navbatda turibsizmi?
- Ha, men oxirgi navbatdaman.
- Men esa sizdan keyin keldim. Demak, endi men oxirgiman.
- Shunday. Navbatning boshida Nargiza turibdi, Komil ikkinchi, Jahongir uchinchi, to'rtinchi men, oxirida esa siz.

- Iltimos, menga bitta muzqaymoq uzatvoring.
- Boshqalar qatori navbatda turing.
- Axir mакtabga kech qolishim mumkin!
- Aksincha, tartib saqlansa, hech kim mакtabga kechikmaydi.
- Uzr, men bilmagandim.



- 1 Odamlar qanday vaziyatlarda navbatda turishadi?
- 2 Navbatda turishning odobi bormi?
- 3 Tartib va tartibsizlik deganda nimani tushunasiz?
- 4 Navbatda turish qoidalariga amal qilmasangiz, nimalar sodir bo'lishi mumkin?

100



Ushbu gaplardagi farqni toping va izohlang.

Kechirasiz, siz ham navbatda turibsizmi?



Siz ham navbatda turibsizmi?

Iltimos, menga bitta shirinkulcha uzatvoring.



Menga bitta shirinkulcha uzatvoring.

Uzr, men bilmagandim.



Men bilmagandim.



1. Matndan tartibni ifodalab kelayotgan so‘z va birikmalarni aniqlab yozing.

Namuna oxirgi, sizdan keyin...



Rasm asosida xaridorlarning navbatda turish odobi haqida fikr bildiring.

Xush kelibsiz!



Assalomu alaykum!

Tezroq bo‘lsaydi!

Ey, meni o’tkazib yuboring!

Navbatga qarashsa-chi?



2. Rasmdagi xaridorga mos keladigan so‘zlarni yozing. Bitta xaridorga bir nechta so‘z to‘g‘ri kelishi ham mumkinmi?

Namuna tartibsiz, ...



Ko‘cha-ko‘yda ishlata digan murojaat so‘zlaringizni yozing. Ular ishtirokida gaplar tuzing.

Namuna opa, amaki, xola...

Amaki, keling, yordamlashaman.

IKKI YO'L

Dilorom maktab oshxonasidan yegulik olmoqchi bo'ldi. Qarasa, oshxonada ko'pchilik o'quvchilar o'z navbatini kutmay, bir-birlarini turtib ovqat sotib olayotgan ekan. Dilorom navbatini kutsa, darsga kech qolishi yoki umuman ovqatsiz qolishi mumkin. Navbatini kutmasa, sabrsiz, tartibsiz bolalarga o'xshab qoladi. U qaysi yo'lni tanlaydi?

1-yo'l

Dilorom navbatini kutib turmadi. U ham ayrim bolalarga o'xshab bosh-qalarni turtib, xafa qilib o'ziga ovqat sotib oldi. Ammo sotib olgan ovqatini xuddi o'ziga o'xshagan bola turtib yubordi. Nati-jada Diloromning ustiga ovqat to'kildi. U ovqatsiz qoldi. To'kilgan ovqatni tozalayman deb darsga ham kechikdi. Darsga kech qolgani uchun o'qituvchidan, kiyimini kir qilgani uchun onasidan tanbeh eshitdi.

2-yo'l

Dilorom sabr qildi. Navbatni kutmaslik, tartibga rioya qilmaslik odobsizlik bo'ladi deb o'yladi. Odobli bolalar qatoriga o'tib, navbatini kuta boshladi. Shu payt maktab direktori oshxonaga kirib qoldi. Oshxonada shovqin ko'tarib, navbat talashib turgan bolalarni ko'rib, ularga tanbeh berdi. Navbatda turganlarni oldinga, tartibni buzganlarni esa orqaga turg'izib qo'ydi. Shunday qilib, Dilorom bemalol qornini to'yg'azib olishga ulgurdi. Ustiga-ustak, direktordan maqtov ham eshitdi.



102



Feruza Nazar



- 1 Diloromning oldida nechta yo'l bor?
Ular qanday yo'llar?
- 2 Birinchi yo'lda Dilorom nega navbatini kutmadi?
- 3 Ikkinci yo'lda Dilorom nega sabr qilish kerak deb o'yladi?
- 4 Sabrsizlikning jazosi nima bo'ldi?
- 5 Sabrning mukofoti nima bo'ldi?



3. "Ikki yo'l" matni asosida chiqargan 3 ta xulosangizni yozing.



Berilgan matnlarni o'qing. Matnga mos sarlavhani belgilang.

Ota-bobolarimiz nonni juda qadrashgan. Nonning ushog'ini ham uvol qilmaslikka chaqirishgan. Nonni isrof qilishni esa katta gunoh sanashgan.

Navbatlarda jismonan ojiz insonlarga – bolali onalar, keksalar va nogironlarga yo'l beradilar. Bu toifaga kirmaydigan insonlar esa o'zaro hurmat va intizom asosida navbatga turadilar.

Qadimda bobolarimiz suvgan tupurish, turli chiqindilarni tashlashni gunoh deb bilishgan. Suvni ifloslantirgan odamni jazolashgan. Suvni qadrlash, tejash har birimizning burchimizdir.

ULUG' NE'MAT

NON QADRI


TARTIB-INTIZOM

**SUV – HAYOT
MANBAI**

**NAVBATDA
TURISH ODOI**




Dialog matnini tartiblang va o'qing.



- lye, sigir bor-u, o'tloq yo'q-ku!
- Mana bu o'tloqda sigir o'tlab yuribdi.
- Hamma o'tlarni sigir yeb qo'ygan-da, – dedi o'quvchi.
- O'quvchi chizgan rasmini o'qituvchisiga ko'rsatdi:



4. Rasmlar asosida kichik matn yozing. Kalit so'zlardan foydalaning.



*Birinchi, ikkinchi, keyin, so'ngra,
navbat bilan, oxirida*



....

“Oshxonami yo nonga
Borsang bozor, do'konga.
Navbatingni kut, bolam,
Toqatsiz bo'lma, Hamdam!

Teatrmi, kinomi,
Avtobus yo metromi,
Navbatingni kut doim", –
Deydilar oyijonim.

Kimda tartib, yo'q toqat,
Dakki eshitar faqat.
Xudbinlikdan bo'l yiroq,
Hurmat topasan, o'rtoq!



Dilshod Rajab



- ① Sizningcha, bu she'rga qanday sarlavha mos keladi?
- ② Hamdamga oyisi nimalarni aytar ekan?
- ③ Hamdamning fikriga qo'shilasizmi? Nima uchun?
- ④ "Dakki eshitish" so'zining ma'nosini bilasizmi?
- ⑤ "Xudbin odam" qanday bo'ladi?



She'r matnidagi ketma-ketlikni to'g'ri topping.

- A) Teatr, kinoga borganda, metro yoki avtobusda navbat kutish kerak.
- B) Hurmat topish uchun xudbin bo'imaslik kerak.
- C) Tartibsiz va sabrsiz odam boshqalardan faqat gap eshitadi.
- E) Oshxonaga, non olishga, bozor, do'konga borganda navbatini kutish kerak.

To'g'ri ketma-ketlikdagi harflar: _____



5. She'rda **kim?**, **nima?**, **qanday?** so'roqlariga javob bo'ladigan hamda harakatni ifodalayotgan so'zlarni jadvalga yozing.





Berilgan so‘zlarni izohlang. Ularni qaysi holatlarda ishlatishimizni ayting.

Assalomu alaykum!

Yaxshimisiz?

Marhamat.

Qalaysiz?

Javob bersam maylimi?

Xush kelibsiz!

Buning narxi qancha?

Savol berish mumkinmi?

Kirsam maylimi?

Kechirasiz, menga sut kerak edi.



Rasmlarga qarang. Berilgan holatlarda qanday gaplashish kerakligini ayting.



Rasmlarga qarang. Rasmdagi odamlarning suhbatini yozing.



“Ikki yo‘l” hikoyasini tinglang.



6. Bir-biriga bog‘liq gaplarni to‘g‘ri belgilang.

- 1** Dilorom sabr qildi.
- 2** Dilorom navbatini kutib turmadi.
- 3** Maktab direktori oshxonaga kirib qoldi.
- 4** Ovqatini xuddi o'ziga o'xshagan bola turtib yubordi.

A Ayrim bolalarga o'xshab boshqalarni itarib, xafa qilib, o'ziga ovqat sotib oldi.

B Oshxonada shovqin ko'tarib, navbat talashib turgan bolalarni ko'rib, ularga tanbeh berdi.

D Diloromning ustiga ovqat to'kildi.

E Navbatni kutmaslik, tartibga rioya qilmaslik odobsizlik bo'ladi deb o'yladi u.



7. Gaplarni o'zaro bog'lab yozing.



"Navbat bilan javob ber" o'yini

O'yin shartlari

- ✓ Sinf 2 ta guruhga bo'linadi.
- ✓ Har bir guruh o'z ichida qur'a tashlab, navbatini aniqlab oladi. Har bir o'quvchi o'zidan oldingi va o'zidan keyingi navbatda turgan o'quvchini aniq bilishi shart.
- ✓ O'qituvchi 1-guruhga topishmoq beradi. Topishmoqning javobi 1-guruhdagi bolalardan navbat bilan so'raladi. Javobni topgan o'quvchi 2-guruhga topishmoq aytadi. 2-guruhdan topishmoqning javobini topgan bola 1-guruhdagi topishmoq bergen boladan keyingi navbatda turgan bolaga topishmoq aytadi. Shu tariqa o'yin davom etadi. O'quvchilar navbatga amal qilgan holda javob berishilari shart.

Jarimalar

- ✓ Javob berishda navbatga amal qilmagan o'quvchi o'yindan chetlatiladi.
- ✓ Sinfdoshining javobiga aralashgan o'quvchi o'yindan chetlatiladi.
- ✓ Navbatini unutib qo'ygan o'quvchi o'yindan chetlatiladi.



Rasmlı diktant. So'roq bering va javobini yozing:
kimlar?, nima?, qanday?, nechta?, nima qilyapti?
Masalan: bola (kim?)...



55



Rasmga qarab hikoya yozing.

- Partadoshingiz bilan rasmda tasvirlangan voqealha haqida fikr almashing.
- Hikoya uchun chiroyli sarlavha o'ylab toping.
- Yozgan hikoyangizni partadoshingizga bering. Partadoshingizning hikoyasi haqida o'z fikringizni ayting.



108

MUSTAHKAMLASH



To'g'ri javobni belgilang.

1. Qayerlarda navbatga turiladi?

- A) Xizmat ko'rsatuvchi bitta, mijozlar esa ko'p bo'lgan har qanday joyda
- B) Maktab oshxonasida, kutubxonada, do'konda, dorixonada
- C) Shifokor qabulida
- D) Hamma javoblar to'g'ri

2. Navbatga turish nima uchun kerak?

- A) Jamoat joylarida tartib saqlanishi uchun
- B) Shovqin bo'lmashligi uchun
- C) G'irrom bo'lmashligi uchun
- D) Hamma javoblar to'g'ri



Sizga turli matnlardan parchalar berilgan. Ularda qanday o'xshashlik borligini toping.

Bolalar meni nega yomon ko'rishlarini aytsam, ular men tufayli yo onasidan, yo otasidan dakki eshitardi.

(X.To'xtaboyev)

Bilmasvoyning oldida bolalar yo'q edi. Shuning uchun u "Qizaloqlar bilan sang'ib yuribsan!" deb dakki berishlaridan qo'rmasdi.
(N. Nosov)

O'qimasam kitobni,
Ishlamasam hisobni,
Dakki berdi ustozim:
Nima bo'ldi,
– deb, – Kozim?!
(N. Ermatov)

Sobir erinibgina uyg'ondi. Yuz-qo'lini yuvmay dasturxon tepasiga kelgan edi, opasi dakki berdi:
– Bu nimasi, yana suv sovuqligi bahona bo'ldimi?
Bor, muzdekkina suv uyquni tarqatadi.
(“Tong yulduzi” gazetasidan)

TAKRORLASH



Berilgan rasmlar ketma-ketligida og'zaki hikoya tuzing.

1



2



3



4



5



6



Hikoyangizga qanday sarlavha qo'ygan bo'lar edingiz?



1. Hikoyangizdagi siz uchun eng muhim bo'lgan bitta fikrni yozing.

110





Anvar Obidjonning “Bekinmachoq” she’rini tinglang.

She’rdagi qiz va o‘g‘il bolalar soni nechta?

- A) 3 ta: 2 ta o‘g‘il bola, 1 ta qiz
- B) 3 ta: 2 ta qiz bola, 1 ta o‘g‘il bola
- D) 4 ta: 2 ta qiz bola, 2 ta o‘g‘il bola



Rasmlardan bolalar o‘ynayotgan joyni aniqlang.



- 1 Ayting-chi, lolalar bolani nima uchun imlab chaqirishdi?
- 2 Lolalar bolaga nimani taklif qilishdi? Nima uchun?



2. She’rdagi bolalarning ismini yozing. Bittasiga o‘zingiz ism qo‘ying.

Imlab, makon so‘zlarining ma’nosini yozing.

She’rni o‘zingizning gaplaringiz bilan ifodalab yozing.





UZUM

Bir kishi to'rt mardikorni ishlatibdi. Tushlik uchun ularga ozgina pul berib:

– Bu pulga biror narsa olib, qorningizni to'yding, – debdi.

Ishchilar pulni olishibdi. Fors ishchi:

– Men bu pulga angur olmoqchiman, – debdi.

Ikkinchchi ishchi arab ekan. U:

– Men bu pulga eynab olishni xohlayman, – debdi.

Uchinchi ishchi turk ekan. U:

– Men siz aytganlarning hech birini xohlamayman.

Men uzum olmoqchiman, – debdi.

To'rtinchi ishchi esa rimlik ekan. U:

– Bekorchi gaplarni yig'ishtiringlar, – debdi.

– Men bu pulga stafil olmoqchiman...

Shunday qilib, ishchilar bir-birini tushunmay, baqirib-chaqirishibdi. Oxiri janjal chiqibdi va bir-birlarini do'pposlay boshlashibdi. U yerdan o'tib ketayotgan bir yo'lovchi janjalni ko'rib, ularni to'xtatibdi. Yo'lovchi juda bilimdon ekan.

Janjalning sababini
so'rabi. Bo'lgan voqeani
eshitib, ularni
yetaklab do'konga
olib boribdi va
uzumni ko'rsatibdi.

Har biridan
alohida-alohida:

– Shuni xohlaysanmi? – deb so'rabi. Ishchilarning hammasi:



– Ha, – deb javob berishibdi.

Aslida ishchilarning bari bir narsani xohlashayotgan edi. Ular har xil tilda so'zlaganlari uchun bir-birlarini tushunishmagandi. Aqli yo'lovchi sotuvchidan ishchilarga uzum berishini so'rabdi. Ishchilar orasidagi janjal ham shu tarzda barham topibdi.

Jaloliddin Rumiy



- ① Ishchilar nima sababdan janjallashishdi?
- ② Yo'lovchining bilimdonligi nimada edi?
- ③ "Bekorchi gap" qanday bo'ladi?
- ④ Hikoyadan qanday xulosa oldingiz?
- ⑤ Siz ushbu hikoyani kimga so'zlab bergen bo'lar edingiz? Nima uchun?



Berilgan maqollarning qaysi biri ushbu matn mazmuniga mos kelmaydi?

- A) Til bilgan el biladi.
- B) Til – dil jarchisi.
- C) Do'st kulfatda sinalar.



3. "Uzum" hikoyasi asosida berilgan topshiriqlarni bajaring.



4. "Menga yoqqan she'r, hikoya, ertak" mavzusida matn tuzing.

- Sizga qaysi she'r, hikoya, ertak ko'proq yoqdi?
- Nimasi yoqdi?
- Qanday taassurot oldingiz?



“Kim tez aytadi?” musobaqasi

- ✓ Tez aytishlarni yaxshilab o‘qib chiqing.
- ✓ Ovoz chiqarmay aytib ko‘ring.
- ✓ To‘g‘ri nafas oling.
- ✓ Tez aytishlarni bir nafasda aytning.
- ✓ Partadoshingiz bir nafasda aytgan tez aytishlaringizni hisoblab tursin.

Qo‘zichog‘im qo‘ng‘ir, oq,
Qo‘ng‘iroqli qo‘zichoq.

Qurilishga terak kerak,
Demak, ekmoq kerak terak!

Shirin sharbatning shirasi shakardan shirin.

To‘lqin topishmoqni to‘g‘ri topdi.



Ayting-chi, tez aytishlar bolalarga nima uchun kerak?



5. Alifbodagi harflar ketma-ketligida tez aytish yozishni mashq qiling.

Namuna

Asalari asalini ayiqdan ayamadi.



“Topgan topaloq” musobaqasi.

- 3 ta guruhga bo‘lining.
- Topishmoqlarni o‘qing.
- Guruhingiz bilan javobini toping.
- Doskadan sizga ajratilgan qismga javoblarni yozing.
- To‘g‘ri javob bilan solishtiring.

Ertak, she'r-u matnlar
Yashar bir mamlakatda.
Dunyoni o'rganishda
Uning xizmati katta.




Loy va jundan tanasi,
Hovlimizda xonasi.
Yemishi olov, xamir,
Beradi shirmoy, patir.

Qo'shig'i asli "qu-qu",
Tongni qarshi olar u.
Ko'zdan qochsin deb uyqu,
Jar soluvchi so'zi shu.




Ko'kda qilich yarqiraydi,
Suvda aksi yaltiraydi.

Oppoqqina betlari
Hoshiyador chetlari.



U bois qog'ozda jam
Go'zal va cheksiz olam.
Tugab borar misli sham,
Bilsangiz, udir

Onam, singlim, opamning
Qo'llarida o'ynaydi.
Hovli, uyni har kuni
Tozalashdan to'ymaydi.



Oq sandig'im ochildi,
Olamga nur sochildi.

Ko'kda ko'rdim ko'priq,
Rangi – yetti turlik.




6. Daftaringizga o'zingizga yoqqan topishmoqlarni ko'chirib yozing.



Yozgi ta'tildagi rejalaringiz bilan o'rtoqlashing.

- Ta'tilni odatda qayerda o'tkazasiz?
- Ta'tilni qayerda o'tkazishni xohlardingiz?
- Nimalar bilan shug'ullanmoqchisiz?



7. Yozgi ta'til uchun reja tuzing.

MATNLARDA QO'LLANGAN SO'ZLAR LUG'ATI

Ahyon-ahyonda – ba'zi-ba'zida.
Akvarel – suvda oson eriydigan bo'yoqning bir turi.
Arxeolog – tarixiy yodgorliklar, buyumlarni o'rganadigan mutaxassis.
Azob bermoq – qiyash.
Baham ko'rmoq – o'rtada birgalikda bo'lishmoq.
Bahs – biror narsa haqida tortishish; musobaqalashish.
Bardam – kuch-quvvatga ega; kuch-quvvatini yo'qotmagan, tetik.
Barkash – doira yoki to'rtburchak shaklidagi ro'zg'or buyumi.
Bejizga – bekorga, asossiz.
Bong – baland ovoz, qattiq tovush.
Dakki – nojo'ya ish uchun aytilgan achchiq gap, qattiq tanbeh.
Darhol – tez, darrov, bir onda.
Diplom – biror o'qishni bitirganda beriladigan hujjat. Diplomi bo'lmasa, kishining universitetda yoki institutda o'qiganini isbotlab bo'lmaydi.
Doda – shevada "bobo" ma'nosida qo'llanuvchi so'z.
Donishmand – olam haqida juda ko'p ilmlarni biladigan, olim, dono inson.
Droid – robot.
Elas-elas – sal-pal, sezilishi qiyin, bilinar-bilinmas.
Farmon – podshohning buyrug'i.
Fermer – dehqonchilik, chorva va parranda mahsulotlarini yetishtirish bilan shug'ullanuvchi odam.
Guash – bo'yoqning bir turi.
Gunoh – odob-axloqqa zid ish, nojo'ya xatti-harakat.
Hakam – musobaqa qatnashchilarini baholaydigan kishi.
Haykaltaroshlik – san'atning bir turi. Haykal yasaydigan kasb, ish.
Ho'plamoq – to'xtab-to'xtab ichmoq.

Hurmoq – "vov-vov", "ak-ak" kabi tovush chiqarmoq; vovullamoq, akillamoq.
Hushyor – bo'layotgan voqealariga, yon-veridagi hodisalarga sezgirlik, ziyraklik bilan ko'z-qulog bo'lib turish.
Imlamoq – imo bilan chaqirmoq; ko'rsatmoq.
Intizom – hamma amal qilishi kerak bo'lgan tartib-qoida.
Isrof – biror narsani o'rinsiz, ortiqcha ishlatish.
Kunjara – mol, qo'y kabi uy hayvonlari iste'mol qiladigan mahsulot.
Mablag' – pul, biror narsani sotib olish imkonini beruvchi vosita.
Mahliyo bo'lmoq – o'sha narsaga butunlay berilmoq, es-hushini shu narsaga bag'ishlamoq.
Mahorat – biror ishni ustalik bilan bajarish; mohirlik.
Makon – vatan, maskan, joy.
Maqbara – qabr ustiga qurilgan bino yoki tosh tobut.
Mardikor – vaqtinchalik yoki kundalik yollanib ishlovchi ishchi.
Mas'uliyat – biror ishni chin ko'ngildan bajarish, javobgarlikni his qilish.
Muhtoj – biror narsaga ehtiyoj.
Musavvir – rassom.
Mutaxassis – biror sohada maxsus bilim va tajribaga ega bo'lgan kishi.
Nasihat – yaxshi yo'lga solish, ta'lim berish maqsadida aytilgan gap.
Ne'mat – yaxshi narsa.
Palitra – rassomchilik anjomasi: kerakli rang hosil qilishda foydalilanadi.
Pand – foydali maslahat, o'git, nasihat.
Poxol – donli ekinlarning quruq poyasi.

Qadr – hayotda tutgan o'rin, muhimlik holati.

Qalqon – jangchilarning tanasini qilich, nayza, kamon o'qi kabilardan himoya qiluvchi moslama. Hozirgi qalqonlar o'qotar qurollardan himoyalanish maqsadida kiyiladi.

Qo'sh – bir juft, ikkita.

Qo'li yengil – biror ishni mahorat bilan qiladigan odamga nisbatan qo'llanadi.

Qo'ra – yog'och, shox-shabba, panjara va shu kabilardan qilin-gan to'siq, g'ov, devor va shunday devor bilan o'ralgan joy.

Qulay – biror ishni bajarish, biror nimani amalga oshirish uchun eng mos keladigan.

Quvvattosh – batareyka.

Rasadxona – osmonni kuzatish uchun mo'ljallangan, maxsus jihozlangan bino.

Saf – qator.

Saroy a'yonlari – saroyda shohning yonida ishllovchilar.

Sayqal – husn, chiroy, ko'rk.

Sergak – darrov sezadigan, ziy-rak.

Sir – birovdan berkitiladigan vo-qea, holat, gap.

Sob bo'imoq – tamom bo'imoq, tugamoq.

Sovrin – biror musobaqada yut-ganda beriladigan sovg'a.

Sovuq yemoq – sovqotmoq.

Soz – yaxshi.

Ta'm – maza, yeydigan narsaning tilga tekkanda bilinadigan xusu-siyati.

Taassurot – biror narsani ko'rish, o'qish, kuzatishdan odamning esida qolgan kayfiyat.

Tabib – bemorlarni davolovchi odam.

Taft – issiq, harorat.

Tanballik – ishyoqmaslik, dan-gasalik.

Taqiqlangan – bajarish, amalga oshirish mumkin bo'Imagan. Biror nima taqiqlangan bo'lsa, demak, o'sha narsani qilishga ruxsat yo'q degani.

Tejash – ortiqcha sarfga yo'l qo'ymaslik, ayash.

Tob – kishi organizmining holati; sog'liq.

Toqat – chidash, bardosh berish qobiliyati; sabr-bardosh.

Tulum – ichiga poxol va boshqa narsalar tiqib qotirilgan hayvon, qush va shu kabilar.

Uskuna – moslama, jihoz.

Uzra – sirtida, ustida yoki tepasida.

Vayrona – vayron bo'lgan joy, xaroba.

Karajat – biror narsa uchun qilinadigan sarf; chiqim.

Xayriya – bechora, kambag'al odamlarga yordam, yaxshilik qilish.

Xudbin – o'zini yoki o'z manfaatini hammadan ustun qo'yuvchi.

Yalqov – ishlashni yoqtirmaydigan; ishyoqmas; dangasa.

Yax – muz.

Yelparrak – havoni tozalash va shamol haydashga mo'ljallangan qurilma.

Yodgorlik – biror shaxs yoki voqea xotirasiga, eslab turish uchun tiklangan bino yoki haykal.

Yo'ikesar – piyodalar o'tish yo'lagi.

Zarra – ozgina, juda kam.

Zehn – biror narsani tushunish qobiliyati.

Ziqna – qizg'anchiq, xasis.

G'ajir – o'lgan narsalarning go'shti bilan ovqatlanadigan qush.

Shaxsiy – biror kishining faqat o'ziga tegishli.

Shotir – boshqalarning xizmatini qiladigan, xizmatkor, yugurdak.

Shu'la – yorug'lik, nur.

Changqovuz – cholg'u asbobi.

Ona tili va o'qish savodxonligi. 2-qism [Matn]: darslik 2-sinf uchun / K. Mavlonova [va boshq.]. – Toshkent: Respublika ta'lif markazi, 2021. – 120 b.

ISBN 978-9943-7522-9-0

UO'K 811.512.133(075.3)
KBK 81.2(5O'zb)ya71

O'quv nashri

ONA TILI VA O'QISH SAVODXONLIGI

2-QISM

*Umumiy o'rta ta'lif muktabalarining
2-sinfi uchun darslik*

Muharrir *Xurshidbek Ibrohimov*
Badiiy muharrir *Sarvar Farmonov*
Rassom *Shohrux Rahmatullayev*
Dizayner *Kamola Ahmedova*
Texnik muharrir *Akmal Sulaymonov*
Sahifalovchi *Muhsina O'ktamova*
Musahhih *Mohinur Ablahakimova*

Bosishga 04.11.2021-yilda ruxsat etildi. Bichimi 60x84 $\frac{1}{8}$.
Arial Rounded garniturası. Kegli 16 shponli. Ofset bosma.
Shartli bosma tabog'i 13,95. Nashriyot-hisob tabog'i 10,55.
Adadi — nusxa. Buyurtma ____.

Ijaraga beriladigan darslik holatini ko'rsatuvchi jadval

Nº	O'quvchining ismi va familiyasi	O'quv yili	Darslikning olingandagi holati	Sinf rahbari- ning imzosi	Darslikning topshiril- gandagi holati	Sinf rahbari- ning imzosi
1.						
2.						
3.						
4.						
5.						
6.						

**Darslik ijara berilib, o'quv yili yakunida qaytarib olinganda
yuqoridagi jadval sinf rahbarlari tomonidan quyidagi
baholash mezonlariga asosan to'ldiriladi:**

Yangi	Darslikning birinchi marta foydalanishga berilgandagi holati.
Yaxshi	Muqova butun, darslikning asosiy qismidan ajralmagan. Barcha varaqlari bor, yirtilmagan, ko'chmagan, betlarida yozuv va chiziqlar yo'q.
Qoniqarli	Muqova ezilgan, birmuncha chizilib, chetlari yedirilgan, darslikning asosiy qismidan ajralish holati bor, lekin qoniqarli ta'mirlangan. Ko'chgan varaqlari qayta joylangan, ayrim betlariga chizilgan.
Qoniqarsiz	Muqova yirtilgan, ustiga chizilgan, asosiy qismidan ajralgan yoki butunlay yo'q, qoniqarsiz ta'mirlangan. Betlari yirtilgan, varaqlari yetishmaydi, chizib, bo'yab tashlangan. Darslikni tiklab bo'lmaydi.